



# Wantok



Namba 2024 Jun 13 - 19, 2013 28 pes

Niuspepa Bilong Yumi Ol PNG Stret!

K1 tasol

7pm - 7am  
**19¢**  
/MB  
TELKOM PNG  
Always there

ENJOY FASTEST  
INTERNET SPEED



247 Customer Care: Call 343 8789 or www.telkompng.com.pg

**BIKPLA TOP UP PROMOSIEN TRU BLO PNG**

Taim you Top Up wantaim K2 o moak, bai you kisin, anai long go insait long wanpla lotu draw ta waimin 12ta blo Rota Land Cruisers na ta go bai go insait long draw ta sharem ol prizes taim long K1 million moak moak.

**DIGICEL SUPER 8**

WANTAIM K1 MILLION TOP UP LO GOVERNANCE

**Digicel**

Terms and conditions apply. Promotion is from May 13 to July 31. Prepaid Customers earn unique entries for topping up with a minimum of K2 and will qualify for the next day's draw for Free Call & SMS Credits. Top ups should be made between 00:00H Wednesday to 23:59H Tuesday of each week to qualify for the Land Cruiser draw on the following Wednesday. All entries expire at 00:00H every Wednesday (beginning May 22). Customers need to top up again to qualify for the next Land Cruiser draw. To check entries, dial \*1406. For the complete Terms & Conditions, please refer to Digicel website www.digicelpng.com.



**REDI LONG GO LONG PLES:** Ol wokman bilong Ilektrik Komisn long Pot Mosbi i redim ol pepa bilong LLG Ilekksen long salim go long wanwan Provins na LLG bilong ol. Dispela poklip man i stretim ol balot pepa bilong Enga LLG na putim go insait long kontena long sipim go long Hailens Rijen. *Poto Nicky Bernard.*

## EC surukim pinis de bilong LLG nominesen

**PNG ilektoral Komisn long aste surukim pinis de bilong nominesen bilong LLG ileksen go long Fraide dispela wik.**  
Nominesen bilong kendidet bilong presiden na wod kansola bai pas long aste avinun tasol ilektrol komisn surukim bihain planti Ilekksen Menesa na Ritening Opisa wantaim ol kendidet i askim long

surukim bilong wanem longpela Queens betde na planti tok ol i no putim nominesen mani long kamap kendidet.  
Sampela tok pablik holide na benk bin pas na ol no peim long givim risit long Ritening Opisa. Narapela as tu em ol tok planti bilong stap ples long we long taun na em bai kisin sampela taim long go kamap long benk.

Ilektoral Komisina Andrew aninit long pawa em gat long Seksen 17791(b) long Ogenik Loa bilong Nesenel na Lokel- Level Gavman Ilekksen i tokim Minista bilong Inta Gavman Rilesen Leo Dion aste apinun long surukim pinis de long tete apinun go long Fraide Jun 14 2013 long 4 pm.  
Mista Trawen tok Assisten Riten-

ing Opis ken nau kisin let nominesen long olgeta 20-pela provins unap long Fraide 4 pm.  
Mista Traven tok detlain bilong Motiu Koita Asembli Ilekksen na Angoram bai ileksen i no senis na stap yet na pas long aste apinun long 4pm. Ol narapela det bilong LLG we ilektoral komisn iputim em ino senis na stap yet.

- Moa long 5,000 tisa stap aut long peirol- P4
- Task Fos Swip tok lukaut long ol ovasis kamani insait long PNG - P5

**OX & PALM**

**True Buli Bif Bilong PNG.**

**OX & PALM BRAND CORNED BEEF**

NET WEIGHT 340g

# Oposisen i no kisim DSIP mani

**Stanley Nondol i raitim**

**OPOSIEN tok DSIP mani em bilong ol pipel stret tasol gavman bilong Praim Minista Peter O'Neill ino givim long ol memba bilong oposisen long mekim wok developmen na wanpela yia go pinis na, oposisen tok politiks bilong Waigaini i no noken holim bek sevis we pipel bai kisim.**

Strongpela oposisen man na memba bilong Kundiawa Gembogl Tobias Kuglan tok gavman i holim bek DSIP mani bilong oposisen na lukim ol planti memba biong oposisen i lusim oposisen na go joinim gavman long kisim DSIP mani.

Mista Kuglang tok wok bilong ol memba bilong palamen-oposisen na gavman wantaim em long tok pait long ol hevi bilong-pipel long palamen na kamapim loa long lukim gutpela

sidaun na i no bilong pilai politiks long mani bilong ol pipel.

Mista Kuglang tok em wanpela yia nau na wanem taim stret bai ol i mekim wok long K10 milian kina we wanwan memba sapos long mekim wok developmen long wanwan distrik bilong ol. Em tok ol memba long oposisen sait i no kisim DSIP mani yet na gavman sait i kisim. Kuglan tok DSIP me mani bilong ol liklik lain long ples na gavman nogat rait ananit long loa long holim bek na pilai politiks long autim memba long oposisen an bildim namaba long gavman.

Gavman long 2013 baset i tokaut long givim K10milian long wanwan distrik na oposisen tok ol i no kisim dispela mani yet. Deputi oposisen lida Sam Basil tok gavman i olim bek DSIP mani na wok long pulim ol memba long oposisen

long joinim gavman.

Dispela lukim ol memba bilong oposisen i lusim Lida Belden Namah na nau namba bilong oposisen pundaun kam daun long 6-pela. Mista Namah tok kantri nidim strongpela oposisen long putim was long gavman na tokpait long pasin korapsen.

Memba bilong Kundiawa Tobia Kuglang tok 1yia go pinis na ol i no kisim K10m yet. Em tok ol memba bilong oposisen kisim K1m tasol.

Mista Kuglang tok dispela kain gavman i no gutpela, em tok nogat wanpela loa we passim dispela tasol gavman les long givim long oposisen memba tasol em tok ol pipel igat rait long kisim sevis na em mani bilong ol stret we gavman tok sevis bai go stret long pipel na ol weit stap.

# Oposisen i no kisim DSIP mani

**Stanley Nondol i raitim**

OPOSIEN tok DSIP mani em bilong ol pipel stret tasol gavman bilong Praim Minista Peter O'Neill ino givim long ol memba bilong oposisen long mekim wok developmen na wanpela yia go pinis na, oposisen tok politiks bilong Waigaini i no noken holim bek sevis we pipel bai kisim.

Strongpela oposisen man na memba bilong Kundiawa Gembogl Tobias Kuglan tok gavman i holim bek DSIP mani bilong oposisen na lukim ol planti memba biong oposisen i lusim oposisen na go joinim gavman long kisim DSIP mani.

Mista Kuglang tok wok bilong ol memba bilong palamen-oposisen na gavman wantaim em long tok pait long ol hevi bilongpipel long palamen na kamapim loa long lukim gutpela sidaun na i no bilong pilai politiks long mani bilong ol pipel.

Mista Kuglang tok em wanpela yia nau na wanem taim stret bai ol i mekim wok long K10 milian kina we wanwan memba sapos long mekim wok developmen long wanwan distrik bilong ol. Em tok ol memba long oposisen sait i no kisim DSIP mani yet na gavman sait i kisim.

Kuglan tok DSIP me mani bilong ol liklik lain long ples na gavman nogat rait ananit long loa long holim bek na pilai politiks long autim memba long oposisen an bildim namaba long gavman.

Gavman long 2013 baset i tokaut long givim K10milian long wanwan distrik na oposisen tok ol i no kisim dispela mani yet. Deputi oposisen lida Sam Basil tok gavman i olim bek DSIP mani na wok long pulim ol memba long oposisen long joinim gavman.

Dispela lukim ol memba bilong oposisen i lusim Lida Belden Namah na nau namba bilong oposisen pundaun kam daun long 6-pela. Mista Namah tok kantri nidim strongpela oposisen long putim was long gavman na tokpait long pasin korapsen.

Memba bilong Kundiawa Tobia Kuglang tok 1yia go pinis na ol i no kisim K10m yet. Em tok ol memba bilong oposisen kisim K1m tasol.

Mista Kuglang tok dispela kain gavman i no gutpela, em tok nogat wanpela loa we passim dispela tasol gavman les long givim long oposisen memba tasol em tok ol pipel igat rait long kisim sevis na em mani bilong ol stret we gavman tok sevis bai go stret long pipel na ol weit stap.



Wina Waigu Kenttis and Digicel's Regional Manager for Momase, Cameron Hebley.

## Mangi Morobe winim Toyota Land Crusier Wantaim Digicel

DIGICEL PNG aste tokaut long namba 4-wina bilong supa 8 promoisen na Waigu Kenttis husat gat 21 krismas bilong olpela Uni Gate long Lae, Morobe Provins i kamap laki wina. Waigu Kenttis tok bikpela amamas go long Digicel. Em tok em bai putim nupela kar long haia. Waigu em bilong Sialum, Morobe

and na stap wantaim family bilong em long Lae siti. Dispela 21 yia mangi tok em bin mekim planti top ap long dispela wik wantaim bikpela tingting bilong winim Toyota Land Crusier. Dispela em namba 4 dro na CEO bilong Digicel John Mangos tok dro bai kamap olgeta trinde inap

long las pela dro long Julai 10. Mista Mango tok Digicel i givim gutpela sans long kastoma long winim kar we kosim moa long K100,000 long Ela Motos. Digicel kastoma bai top ap tasol long stap insait long dro long kamap wina bilong Land Crusier.

## 2013 CPA miting Kisim Sapot long BSP



BSP Hetman bilong Fainensel Ripoting Douna Vaname (stap 3ples long rait han), givim sponsa sapot go long CPA presiden Dokta Ken Ngangan long ai bilong CPA Eksektiv. Poto BSP Maketing

SETIFAID Prektising Akaunten bilong PNG (CPAPNG) kisim K25, 5000 long BSP benk long olim miting bilong ol long yia 2013. BSPM hetman bilong Fainensel Ripoting Douna Vaname givim sponsa mani go long Eksektiv bilong CPAPNG ino long taim i go pinis. Mista Vaname tok BSP i amamas long sapotim long kamapim gutpela rilensip na olim strong gutpela pren we bin kamap long yia 1995 taim BSP sainim long kamap gol sponsa bilong CPA. Mista Vaname tok save na skills bilong ol save-man olsem akaunten em ino liklik samting bilong wanem ol i lukautim mani ron long kainkain bisnis

na ol save mekim save olsem ol mani bilong bisnis mas ron gut na namba bilong mani mas korekt o i stret olgeta taim. Mista Vaname tok BSP i amamas long sapotim CPA long olim miting wantaim ol profesnel bodi long tokotk wantaim ol akaunten long ol kainkain eksperiens bilong ol. Mista Vaname tok moa olsem BSP gta bikpela laik long sapotim CPA long kamapim o developim bikpela saveman meri long benk na tu long ol arapela orgenaisen long kantri. CPAPNG Presiden, Ken Ngangan tok tenkyu long BSP long komitmen bilong em long halivim CPA long kamapim gutpela

akauten profesen na tok im BSP olsem dispela sponsa mani bai mekim bikpela wok long gutpela rot we bai karim kaikai long developim human risos long kantri. Mista Ngangan tok CPA na BSP long dispela kain pasin bilong wok wantaim bai lukim planti yangpela akuanten bai kamap strong moa long developim kantri long wok akunten. CPA memba em bilong ol akaunten long Fainen wokman na tu long pablik na praivet sekta wantaim NGO. CPA miting bai kamp long Madang long June 14, Lae(OGAS 15-16), na Pot Mosbi long (Novemba 14-15).

# Moa long 4milian pipel nogat wok

STANLEY NONDOL i raitim

**BIKPELA** milian populesen bilong kantri nau nogat fomal wok na lukim hevi bilong loa na oda long kantri i go bikpela stret na gavman nau lukluk long stretim liklik bisnis o SME long halivim bikpela populesen na tu groim ekonomi.

Trade Komes na Indastri Minista Richard Maru i tok bikpela populesen bilong kantri nau nogat wok na stap nating, na gavman bilong Peter O'Neill bai lukluk long stretim ol liklik bisnis kampani long opim dua bilong ol pipela long kantri ken mekim bisnis na dispela tu bai apim wok long kantri.

Minista Maru tok 60% o moa long 4milian pipel long kantri nau nogat wok na dispela em bikpela hevi tru. Em tok planti ol yangpela husat kam aut long skul ino gat inap wok na ol stap nating na dispela tu i kamapim planti hevi bilong loa a oda long komunyuti na kantri.

Minista Maru tok kantri olsem Australia na Zew Zealand i nogat dispela hevi. Em tok namba bilong man nogat wok em 3%.

Minista Maru tok moa long 12,000 sumating long wanwan tialusim gred 12 na nogat wok na stap nating. Em tok ol dispela sumating ino gat sans long go long narapela teknikel koles o kisim sampela trening long joinim wok.

Long halivim daunim dispela hevi bilong bikpela populesen nogat wok, Minista Maru tok PNG gavman bai holim wanpela bikpela kibung long Mun Julai long Madang we gavman bai bungim olgeta memba bilong palamen, ol bisnis haus na tu ol bikpela saveman long tokotk na kamap wantaim gutpela rot long halivim bikpela populesen stap long wok.

Minista Maru tok O'Neill gavman mekim sampela wok pinis long daunim dipela hevi na em tok sampela bilong dispela wok em; gavman daunim interest ret long bilong NDB long larim ol pipel kisim dinau na mekim bisnis wantaim K80milian.

Em tok gavman opim Pipol Maikro Benk long Boroko na tu bai opim sampela moa long sampela senta long kantri na tu em tok gavman nau wok yet na klostu taim bai senisim SBDC loan a SME kansol bai bai go pas na lukautim.

Minista Maru tok disela miting long Madang bai ol i tok tok long tupelo bikpela samting:

1. Bai lukluk long kamapim rivie long bikpela milian pipel nogat wok long kantrina
2. Bai lukluk long hau narapela kantri yusim SME long kamapim planti wok bilong ol pipel na PNG bai kamapim ekonomik rifom long growim SME long kamapim milian wok long kantri.

Minista Maru tok sampela bikpela tokotk we dispela miting bai ol diskas o tok paitim em;

- Daunim kos bilong mekim bisnis long kantri;
- Senisim Risep Bisnis loa bilong kantri long givim sans long PNG manmeri ken mekim ol liklik bisnis we nau ol Esian I mekim long kantri;

-Lukluk long givim moa sans long papagraun kampani long kisim bikpela benefit long bisnis long ol risos long giraun bilong ol;

-lukluk long kamapim ripom long lend ekt long givim fraun long PNG kampani, tasol

Minista Maru tok ripot bilong dispela miting bai go long Praim Minista na go long NEC na bai go long palamen long ddebat long mekim karim kaikai rekomendesen bilong ripot.

# wantok moni

Send money to Anyone, Anytime Anywhere



## How to send Wantok Moni

- 1 Dial \*131#
- 2 Enter mPIN
- 3 Press 2 for "Funds Transfer"
- 4 Press 3 for "Wantok Moni"
- 5 Choose Account which you will send Wantok Moni from
- 6 Enter recipient's mobile number
- 7 Enter Amount
- 8 Press 1 to confirm

## Have you received Wantok Moni?

- 1 To Accept Wantok Moni
  1. Dial \*131#
  2. If you are a new user, you will be asked to enter a 4-digit Personal Identification Number (PIN).
  3. If you're an existing User, you will be asked to Enter and confirm your 4-digit PIN (this is different from the send code)
  4. Reply 1 to "Accept Wantok Moni" ENTER the Sender's SEND code and the SEND code that you generated
- 2 To generate a Wantok Moni Withdrawal Code
  1. Dial \*131#
  2. Enter and confirm your 4-digit PIN
  3. Reply 2 to "Withdraw Wantok Moni"
  4. Reply 1 - to Generate Code
  5. You will receive a response, containing your WITHDRAWAL CODE

Anyone, Anytime, Anywhere!

320 1212 / 7030 1212  
 servicebsp@bsp.com.pg  
 www.bsp.com.pg



Official Sponsor of the 2015 Pacific Games

# Air Niugini introduces Online check-in

## How to Check-in Online

- Visit [www.airniugini.com.pg](http://www.airniugini.com.pg)
- Refer the Flight Booking panel on the left hand side of the page
- Click on 'My Flight' tab
- Fill in the blank fields and then click on 'Check in' button
- Follow prompts to progress your online check in

\*NB: Online check-in is available 24hours to 3hours before departure.

- On completion, your boarding pass and important instructions are emailed to your nominated email address
- Bag Drop: If you are travelling with bags, proceed to the 'Online Check In' Counter (where available). Your bags will be weighed and bag tags issued.



# TELE Apdeit

## Konektim skul bilong yu long intanet

Yu ken yusim ADSL o long ol telepon lain, o long waiales (WiMAX) wantaim ol Telikom Skul Pekes plen:

### PostPaid Pekes

Telinet Skul 1,000MB

Telinet Skul 2,000MB

Telinet Skul 3,000MB

Telinet Skul 4,000MB

### Fri Daunlod

1GB, 2GB, 3GB, 4GB

### Rent long olgeta Mun

K50, K80, K113, K150

### Ekses Sas long wan wan MB

0.11, 0.11, 0.11, 0.11

• Namba wan luksave bai go long ol skul i no konek yet long intanet.

• FRI Instolesen

• Karamapim olgeta bikpela siti na eria Telikom i gat siknel

Ol askim: Email [sales@telinet.com.pg](mailto:sales@telinet.com.pg) o Telepon 3025500 o 3025554

### Winim raun i go lukim Manchester United

Kamap wanpela long tripela laki wina long winim wanpela riten trip i go long lukim Manchester United i salensim A – League All Stars long ANZ Stadium long Sydney dispel mun Jul.

### Prais em:

- Wanpela Gem Pas o tiket
- Wanpela balus tiket
- Tupela nait silip
- Travel Alawens

### We bilong Winim

Spendim K200 o moa long wanem ol Telikom Prodak long wanem ol Telikom Stua, raitim nem na address bilong yu long baksait bilong risit, dropim insait long bokis, long wanem ol Telikom Stua, na go insait long droa long win.

### 19t/MB

Hamamas wantaim Prepaid 19 toea of-pik intanet ret namel long 7am-7pm. I nogat hevi long en.

### Long save moa, ringim 24/7 Kastoma Kea long 3456789.



# Moa long 5,000 tisa stap aut long peirol

## Stanley Nondol i raitim

**MOA long 5,000 tisa long kantri i stap suspen long pe yet na Edukesen Dipatmen i singaut i go long ol provins long kwiktam stretim Risumpsen ov Duti Fom o RoDSS na salim kam long Waigain het opis.**

Eking Edukesen Luke Taita tok em gat bikpela wari stret long bikpela namba bilong tisa long kantri i no kisim pe kam inap long Jun na tok ol Provins Edukesen Divisen mas sekim gut na tok save kam long Waigani sapos ol dispela tisa stap aut long pe rol i wok long

ol skul long provins o nogat.

Mista Taita tok sapos planti bilong ol disela tisa i no stap long klasrum bai ol nonap kisim pen a gavman bai sevim planti mani.

Mista Taita tok dispela wok bilong sekim ol tisa long skul sapos ol wok o nogat na salim ripot kam long Waigani i kisim long pelataim tru na askim gen long ol provins long mekim dispela wok hariap. Em tok tem 2 skul holide long Jun 28 i gat 3-pela wik tasol stap.

Em tok sapos planti bilong dispela tisa i on salim ol foms kam bai Edukesen dipatmen save olsem ol

ion stap long klasrum na skulim ol pikinini na tok Stendat Opisa na Distrik Edukesen Opisa mas kwiktam halivim stretim dispela wok.

Moa long 3,000 tisa em Edukesen Dipatmen putim on long pe long arere bilong mun Me long 31/05/2013 na 5,708 tisa stap aut long pe yet na dispela em bikpela hevi we nau eduken dipatmen i wok hat long stretim tasol ol provins tu gat hat wok long sekim ol tisa na ripot long Waigani het opis.

Moa long 1,000 tisa em ol nupela gruduet na eduken dipatmen

putim ol long pe pinis.

Sauten Hailans Proins i gat 697 tisa stap saspen long pe na WHP 269, Morobe 744 na Enga 293 wantaim ESP 291. Western Provins i gat 27 tisa stap saspen long pe na Galp 42.

Mista Taita tok provins mas mekim wok bilong ol salim RoDSS fom kam kwik long Waigani long stat bilong skul yia long mekim wok long pe opis isi long ol tisa ken kisim pe. Em tok sori long husat tisa truru wok stap long provins tasol i no kisim pe na tok opis bilong em bai fiksik long liklik taim.

## Komo Komyuniti i amamas long nupela maket



MOA long 1,000 pipel bilong Komo long nupela Hela provins i amamas long opim bilong nupela Komo Maket na opim bilong namba wan BSP Benk , Komo Brens.

Ol makim maus lain long PNG LNG projek na BSP wantaim Deputi Gavna bilong Hela provins Thomas Potape bin joinim ol manmeri long Komo na opim nupela benk na maket.

PNG LNG Sosel Impekts Menesa, Sisa Kini, tok dispela nid bilong bildim maket long Komo i kamap ples klia bihain long ol komunyuti memba husat pinisim PNG LNG Projek long Pensenel Viabiliti Trening i toksdave olsem gat bikpela nid long mekim inkam bai ol pipel ken kisim taim ol salim kaikai na ol samting long maket.

Lokel gavman na Komunuti I bung na kamapim dispela maket long givim servis long ol pipel bilong Hela. Miss Kini tok ol i lukluk het long kamapim planti bilong ol komyuniti projek olsem long sapotim ekonomik long Hela na Papua Niugini na tok bikpela amamas long ol pipel long sapotim dispela projek.

Komo Maket Komiti bai lukautim dispela maket wantaim sapot bilong LLG.

## Gavman mas lukluk long hevi,wari bilong pablik seven

Pablik Employee Asisisen o PEA i laikim gavman na dipatmen bilong pablik servis long wok bung wantaim PEA long halivim wari bilong pablik seven long mekim ol karim autim polisi bilong gavman.

PEA Presiden Anna Igo i tok, olgeta taim gavman save sutim tok long pablik seven i no wok na i slek na ino mekim gut wok long mekim polisi bilong gavman long karim kaikai.

Miss Igo askim na tok bi-

long wanem na gavman tok pablik seven i no mekim gut wok? Em tok pablik seven em ol man na hevi na wari bilong ol stap yet na gavman wok long sutim tok long ol i no mekim wok. Em tok gavman mas wok bung wantaim PEA na mas painim aut bilong wanem na pablik seven i no mekim wok.

Miss Igo tok pablik seven i gat bikpela wari long haus-ing, bikpela takis ol peim long pe, insurens bilong ol

na dispela wantaim ol sam-pela isu em bikpela tru na hot stret tasol gavman i no save lukluk na wok long atim pablik save long floa bilong palamen na tu long public bung.

Miss Igo tok Oro na Southern Hailans Gavna Garry Juffa na William Powi em tupelo pastaim pablik seven na wok long tok hat long wari bilong pablik seven tasol gavman i no kam klia long wanem samt-ing bai ol mekim long stre-

tim na fiksik hevi bilong pablik seven long mekim ol wok long mekim polisi bilong gavman karim kaikai.

Wanpela bikpela miting kamap long Manus long PEA na gavman bai kamap long lukluk long deliverim servis go long pipel na long dispela miting ol bai tokotk long hau public seven bai go pas long dispela wok, tasol gavman lain o nogat wanpela makim gavman long dispela miting.

Miss Igo tok PEA me

lukatim welp bilong pablik seven husat em ol wokman bilong gavman na gavman em responsible o mas lukautim ol gut long ol bai mekim wok.

PEA i nai singaut i go long gavman long noken tokotk long pablik seven i no wok tasol em mas harim tok na wok bung wantaim PEA long lukluk long hevi bilong pablik seven long kamap wantaim wanbel tingting na painim gutpela rot long kari-mautim wok bilong gavman.

# Tas Fos Swip tok lukaut long ol ovasis kampani stap long PNG

**SIAMAN bilong Tas Fois Swip Tim Sam Koim i givim tok lukaut long Multi Nesanel Koporesen o bikpela kampani gat brens long planti hap long wol, na mekim bisnis long PNG long noken mekim korap pasin na trikim ol pipel bilong kantri.**

Mista Koim givim dispela tok lukaut long aste bihain long Menesing Darekta bilong Telekomyunikesen kampani bilong Saina, ZTE, Peter Poon aste long niuspapa tok olsem ol eksekutiv bilong kampani i no kisim sas long korap pasin long paulim mani long Sin-

gapore. Mista Koim tok, Mista Li Weiming, em wanpela eksekutiv bilong ZTE kampani, na long 2006 em bin makim maus bilong kampani na wok long Brunei, PNG na Saut Pasifik long 2010 go antap, na em bin kisim sikspela sas long Singapore na polis keis bilong em i ron yet long Singapore.

Mista Koim tok ZTE Korporesen em ol nominetim long lukautim kontrovesel US\$35milien o K210milien Chinese Exim Bank dinau mani long bildim komyuniti koles raun long kantri. Mista Koim tok nogat

wanpela koles ol i bildim yet i kam inap nau. Mista Koim tok dispela dinau mani em ol kisim wantaim PNG gavman kaunta fanding we mani mak stap long K110 milien tasol em tok nogat wanpela wok kamap long yet kantri long soim dispela bikpela milien kina mani long K210milien.

Mista Koim tok Tim bilong em i wok long mekim investigesen o wok painim yet long dispela bikpela lus bilong milien kina mani.

Mista Koim tok ZTE Korporosen na Shell Kampani o Questzone i passim tok na trensperim US3 mi-

lien long akaun bilong ZTE go aut na putim long Questzone.

Mista Koim tok Questzone em kampani bilong Miss Lim Ai husat em meri bilong Thompson Deohrman, Dairekta bilong PNG ZTE Trast husat i menesim komunyuti koles projek mani long PNG.

Thomas Doehrman na meri bilong em Lim Ai tupela wantaim bin kisim sas na nau bungim kot trail wantaim Mista Li Weiming bilong ZTE kampani long Singapore.

Mista Koim tok long toktok ol i givim long Singapore kot i soim olsem ol bin putim giaman ino-

na kisim mani. I gat bikpela bilip olsem Mista Weiming na sampela bikpela wokman bilong PNG tu kisim sampela benefit long mani long dispela Singapore dil.

Mista Koim tok em wanpela bilong planti wankain korap pasin we tim bilong em i mekim wok glasim na givim tok lukaut long ol kain kampani.

Em tok tas Fos i gat netwok long Australia, Singapore na sampela kantri na bai mekim save long kain korap kampani mekim giaman dil na stilim mani long kantri.

## Gavman mas lukluk long hevi, wari bilong pablik seven

**Pablik Employee Asisisen o PEA i laikim gavman na dipatmen bilong pablik sevis long wok bung wantaim PEA long halivim wari bilong pablik seven long mekim ol karim autim polisi bilong gavman.**

PEA Presiden Anna Igo i tok, olgeta taim gavman save sutim tok long pablik seven i no wok na i slek na ino mekim gut wok long mekim polisi bilong gavman long karim kaikai.

Miss Igo askim na tok bilong wanem na gavman tok pablik seven i no mekim gut wok? Em tok pablik seven em ol man na hevi na wari bilong ol stap yet na gavman wok long sutim tok long ol i no mekim wok. Em tok gavman mas wok bung wantaim PEA na mas painim aut bilong

wanem na pablik seven i no mekim wok.

Miss Iga tok pablik seven i gat bikpela wari long hausung, bikpela takis ol peim long pe, insurens bilong ol na dispela wantaim ol sampela isu em bikpela tru na hot stret tasol gavman i no save lukluk na wok long atim pablik save long floa bilong palamen na tu long public bung.

Miss Igo tok Oro na Sauthern Hailens Gavena Garry Juffa na William Powi em tupelo pastaim pablik seven na wok long tok hat long wari bilong pablik seven tasol gavman i no kam klia long wanem samting bai ol mekim long stretim na fiksime hevi bilong pablik seven long mekim ol wok long mekim polisi bilong gavman karim kaikai.

Wanpela bikpela mit-

ing kamap long Manus long PEA na gavman bai kamap long lukluk long deliverim sevis go long pipel na long dispela miting ol bai tokotk long hau public seven bai go pas long dispela wok, tasol gavman lain o nogat wanpela makim gavman long dispela miting.

Miss Igo tok PEA me lukatim welpel bilong pablik seven husat em ol wokman bilong gavman na gavman em responsible o mas lukautim ol gut long ol bai mekim wok.

PEA i nai singaut i go long gavman long noken tokotk long pablik seven i no wok tasol em mas harim tok na wok bung wantaim PEA long lukluk long hevi bilong pablik seven long kamap wantaim wanbel tingitng na painim gutpela rot long karimautim wok bilong gavman.

### Skul mangi mekim mani long trolu



Dispela liklik mangi, nem bilong em Joe Peter, na em mekim grade 6 long Kay praimer skul long Morata long Pot Mosbi.

Em gat trolu we em kisim long J-Mark supamaketa stoa long Erima long Mosbi.

Olgeta de long apinun em save pusin trolu raun long Godens maket na pulumapim wara bilong ol maket lain long baket long ol i ken putim wara long maket samting bilong ol. Wanwan baket Joe save sasim K1 na olgeta apinun taim maket i pas em save kolektim olsem K30 na K40 na go long haus long 5-mail.

Dispela mani save halivim em long mekim bus fare na baim lans long go kam long skul. Na sampela taim em save kam long moning tru na mekim wankain wok long kisim liklik mani na go long skul. Taim em go long skul em save haitim trolu na taim em kam bek em save mekim inap ol pasim maket.

## AGRICULTURE TRACTORS

- Slashers
- Disc Ploughs
- Disc Harrows
- Post Hole Augers
- And Other Attachments for Farming

**AGMARK MACHINERY**

PORT MORESBY: 323 5572 | LAE: 472 6324 | KOKOPO: 982 8748  
machinery@agmark.com.pg

## BEYOND BOUNDARIES

### SUNDAY, 6PM - 6.30PM

Topic of the week:  
**Tetanus Toxoid Vaccination Round 3**

## FM100

PNC's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Saining bilong ol LLG Rits long foto...



# OL PNG NGO laikim gavman i bihainim Vanuatu

OL Komyuniti etvokasi ogenesisen, ACT NOW na Bismark Ramu Grup (BRG), i singaut strong long PNG gavman i mas bihainim piksa bilong Vanuatu long sanapim wanpela nesanel tambu long olgeta kain eksperimantal sibed maining. Vanuatu gavman i tokaut long dispela wik olsem em bai bihainim ol rot isi isi bilong noken larim solwara bet maining i kamap insait long solwara bilong em, inap olgeta hevi na birua bilong en i stap ples klia, na pipel i luksave na klia long en. I mas i gat tok paitim tu

wantaim ol pipel na ol sivil sosaiti ogenesisen. Gavman bilong Vanuatu i tok strong tru long strong bilon sanapim fri, tok orait i kam long ol asples pipel long olgeta kain wok maining. "Ol winmani i kam long gavman long Solwara 1 sibet main projek bai liklik tru long mak bilong LNG projek na ol main long graun," Progreem Menesa bilong Act Now, Effrey Dademo i tok. "I nogat mining bilong PNG gavman long hariap i go insait long dispela nupela kain maining." "Olsem Vanuatu gavman i tok pinis, ol hevi bilong dispela kain wok maining, i mas kamap ples klia bai yumi olgeta i ken save gut long sol-

wara maining." John Chittoa bilong Bismark Ramu Grup, i tok wanbel. "Mipela i lukim pinis ol bikipela hevi bilong busgraun na wara na komyuniti hevi i ken kamap taim mipela i wok long spid i go insait long ol nupela maining projek. Mipela i mas lainim long ol hevi Ok Tedi na Panguna i bungim, na mipela noken hariap bihainim laik bilong ol foren koporesen o bisnis. "Yumi mas bihainim laik bilong yumi yet na mekim samting stret bai ol pipel bilong na busgraun bilong yumi i gat banis na i no lus nating bihainim laik bilong ol ausait man na bisnis."

## RSPCA gat rot bilong pasim dok long marit

LONG Mosbi siti, pasin bilong ol dok bilong ol man i ken kamapim bikipela birua na hevi long komyuniti. Long mun bilong ol dok long marit, hevi bilong nois, i save bikipela hevi long ol manmeri i stap long siti. Long Mosbi, long RSPCA, o ples bilong ol lain save givim medikal halivim ol enimal, ol i gat rot bilong pasim ol dok long marit. "Mi laikim bai dok bilong mi, Sheba i kisim dispela tritmen. Em i hat tru long givim ol papi bilong em i go aut bikos mi save olsem sampela ol pipel i mi givim ol long en, bai no inap



lukautim ol gut," Bertha Auwi i stori. "Mi no laikim moa dok, na mi laik lukautim tasol Sheba, na tupela pet gini pik bilong mi," em i tok. Long ol arapela hap long wol, ol enimal haus

lukautim na reskiu grup i save askim ol papamama bilong ol pet enimal long pasim ol dok bilong ol long karim klostu klostu. Em i save daunim namba bilong ol enimal insait long reskiu sistem bilong ol.

# Bihain taim bilong kantri stap long han bilong ol liklik bisnis

## Maru laikim gavman i luksave na sapot

Neville Choi i raitim

TRED na Industri Minista Richard Maru, i laikim bai gavman i givim moa luksave long strong bilong ol smol na midium enteprais, o liklik bisnis sekta karim na divelopim kantri.

Na em i no laik wet narapela yia bilong inapim dispela.

Tripela wik tasol i stap nau, pastaim long namba wan bikipela kibung bilong bungim olgeta hap level bilong gavman na bisnis, na long makim kos bilong strongim Smol na Midium Entaprais o SME sekta bilong tumora.

Em i wanpela bikipela wok, tasol Maru na ol wan-tingting wokmanmeri bilong em na sampela ol bikipela gavman ejensi na saveman, i bilip ol i ken mekim.

Tripela de long kirap bilong mun Julai, bai lukim samting osem 500 ol liklik bisnis manmeri i kam long olgeta wanwan distrik, i bung long Divain Wod Yunivesiti (DWU) long Madang bilong givim tingting, na inapim driman bilong Minista Maru.

Long taim Mista Maru i tokaut long dispela bikipela plen bilong en long midia long las wik, em i no laik harim osem dispela kibung bai kisim tingting, na bihain bai ol i wet narapela tripela yia, bipo long ol loa i senis, na em i kamap long ai bilong palamen.

Dispela kibung, bai no inap osem.



Kain ol liklik bisnis bai strongim PNG.

Mista Maru i makim pinis ol bikipela astingting bilong dispela kibung.

Wanpela samting em Mista Maru i klia long en, i gat piksa bilong bihainim i stap.

"Dispela samit, em bilong stretim ol bikipela hevi kantri i gat nau, osem anemploimen o nogat inap wok. Moa long 60 pesen long ol wokfos bilong yumi i stap nating insait long fomal wok sekta.

"Mi laikim, bai kantri i mas luksave long strong bilong ol SMEs. Long Malaysia, ol i wanpela kantri we i liklik moa long mipela. Hau na ol i kamap wanpela bikipela industrial kantri? Em long strong bilong ol SME sekta bilong ol.

"Nu Silan, em i nogat main, em i nogat ol bikipela mineral risos projek, tasol em i wanpela wol stendat ekonomi. Sikret bilong ol, em ol i yusim ol liklik bisnis sekta bilong ol long groim ekonomi bi-

long ol. Long sait bilong tursim, na hospitality, na long sait bilong envairomen, ol i mekim pinis. Mipela ken kisim ol gutpela bilong ol, na yusim long strongim yumi yet," Mista Maru i tok.

Dispela SME kibung long Madang, bai lukluk long ol dispela samting:

1. Daunim kostim bilong wok bisnis long PNG;
2. Kirapim bek ol PNG Risev Bisnis loa;

3. Sanapim Nesanel Konten Loa;
4. Sapot na luksave bilong ol PNG kampani;
5. Glasim ol Len Rifom o senis;
6. Treading na divelopmen bilong ol sitisen bisnismanmeri klas;
7. Glasim level bilong gavman sapot long SME sekta;
8. Tok paitim ol nupela wok bisnis i kamap; na
9. Tok paitim sanapim bilong wanpela Foren Invesmen Riviu Bod.

Kibung bai bungim olgeta memba bilong palamen, ol bikipela bisnis, ol papagraun kampani, ol PNG Bisnis Komyuniti memba, ol provinsal gavman, ol Gavman Ejensi, ol Bisnis saveman na akademik, na ol Fainensal institusen.

Bikipela samting Mista Maru i laikim, em long ol samting dispela kibung i kamapim, na ol rot bilong senisim ol loa bilong gutpela bilong SME sekta, bai mas redi long go long glasim bilong Nesanel Eksekutiv Kaunsil, na lukim floa bilong palamen long mun i kam.

Mista Maru i bilip. Kamapim bilong dispela kibung bai lukim strong bilong bilip bilong en, na luksave bilong gavman.

Ol liklik bisnismanmeri husat i laik rejista long kamap long dispela SME Samit, i ken sekim ol Nesanel Divelopmen Benk bren opis, long pe bilong registresen.

# Airlines PNG groim balus namba wantaim nupela Dash 8

AIRLINES PNG i tok welkam long wanpela nupela balus long flit blong en, wantaim kamap bilong namba 12 Dash 8 balus i kam long Australia.

Balus i lukim pinis wanpela enjiniaring indaksen progrem bilong stendadaisim em long kamap wankain long ol arapela Dash 8 balus bilong APNG.

Enjiniaring progrem i lukim stretim ol balus mentenens wok bilong en i go bihainim APNG mentenens sistem, na mekim bai em i orait long ron na flai

long Papua Niugini.

"Dispela nupela balus na narapela Dash 8 mipela bai kisim kam long Julai, i bringim namba bilong ol balus bilong APNG i go inap long 23 balus, na i givim kampani moa balus bilong opim sevis i go long Madang, Wewak na Lae i go long Popondetta, antap long ol balus ron i go long Daru na Kiunga," Muralee Siva, Sif Eksekutiv Opisa bilong Airlines PNG i tokaut.

"Balus bai ron mekim ol sata balus ron bilong mineral risos indastri," em i tok.



NUPELA DASH 8 balus.

**NASFUND FM100 TALKBACK SHOW**  
**MONDAY - FRIDAY, 9AM TO 12PM**  
 Participate and be heard on an open forum on National Radio



**FM100**  
 PNG's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAIL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATOA 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WALIBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

## Yut, Meri na Famili

Pastor  
Barbara Lunge

### Pasin laikim i save oraitim lewa i bruk

OLGETA manmeri long dispela graun i kamap long laikim bilong God, olsem na ol i mas stap insait yet long pasin bilong laikim, taim ol i wok long kamap bikpela long laip bilong ol.

Pasin laikim bilong ol papamama i mas kamap olsem raba o gumi we em i ken pulim i go longpela na kam sotpela gen long taim ol i wok long lainim pikinini, bihainim ol kainkain sindaun na pasin pikinini bai fesim long laip. Tasol planti pikinini i pesim bagarap insait long famili bilong ol yet, taim ol i liklik yet na kam bikpela, na dispela pasin i wok long kamap nogut yet, olsem na yumi sitisen bilong dispela Kristen nesen i gat asua long God long karim dispela hevi.

God em i papa bilong laikim na mining bilong dispela tok "laikim" long tokples Grik i min olsem, pasin bilong laikim we God i gat i ken karamapim olgeta kain laip na pasin i go i nap long em i kamapim gutpela laip bilong wanpela man o meri. Tasol yumi man bilong graun i no inap long gat dispela kain pasin bilong laikim na yumi i no inap long lukim glori bilong em bikos long sin pasin bilong yumi. Olsem na God yet i salim pikinini man bilong em, Jisas i kam long graun long baim bek yumi wantaim blut bilong em i dia tumas, long kisim yumi go bek wanbel wantaim God.

Tok bilong God i tokim yumi long buk bilong 1 Jon sapta foa, 4-pela ves long ves 7 i go ves 12 i tok, "Ol pren yumi wan wan i mas laikim tru ol arapela, long wanem pasin bilong laikim ol arapela em i pasin bilong God. Na man i laikim tru ol arapela, em i pikinini bilong God, na em i save tru long God. God yet em i as bilong dispela pasin bilong laikim ol arapela. Olsem na man i no save laikim ol arapela, em i no save long God. God i gat wanpela pikinini tasol, na em i salim dispela pikinini i kam long graun, bai yumi kisim laip long em. Long dispela pasin God i soim yumi olsem em i laikim yumi tru. Pasin bilong laikim ol arapela, em i pasin bilong God. Yumi no ken ting, yumi bin laikim God pastaim. Nogot. God i laikim yumi pastaim. Olsem na em i bin salim Pikinini Man bilong en i kam long graun bilong lusim ol sin bilong yumi.

Ol pren, long dispela pasin bilong en God i soim yumi olsem em i laikim yumi tru. Olsem na yumi wan wan i mas laikim tru ol arapela. i no gat wanpela man i bin lukim God. Tasol sapos yumi laikim tru ol arapela, orait God i stap wantaim yumi, na dispela pasin bilong en bilong laikim ol arapela, em i kamap strong pinis insait long laip bilong yumi."

Yumi olgeta papamama i mas givim laip bilong yumi long God long em bai pulimapim yumi wantaim bikpela laikim bilong em na bai yumi ken kamap gutpela papamama, gutpela sitizen, na yumi ken lusim rong bilong ol arapela husat i mekim rong long yumi, na yumi ken kamap gutpela manmeri bilong wok yumi mekim. Ol pren, i gat hop insait long God taim yumi putim bilip bilong yumi long Pikinini Man bilong em, Jisas Kraus, long wok em i mekim taim em i dai antap long diwai kruse long rausim sin bilong yumi.

**Sapos yu laik save moa; toktok wantaim wokmeri bilong Bikpela, Barbara Lunge, Rivers of Grace intenesenel Ministri. P.O. Box 3063. Boroko. NCD. Papua New Guinea. B Mob 67331426/71075829 DG.**

# Kibung bilong toktok long Strongim Wok bilong ol Meri long kamapim Kalsa bilong Bel isi na nogat vailens

SUVA, Fiji, Jun 10. Wapela kibung bai kamap dispela wik long Nadi, Fiji long tingim ol we kalsa i ken helpim long daunim pasin bilong paitim jenda bes vailens o pasin paitim meri, na ol man i no ken yusim kalsa na go het yet long kamapim hevi long ol meri.

Kibung bilong toktok long Strongim Wok bilong ol Meri long kamapim Kalsa bilong Bel isi na nogat vailens long Pasifik bai lukim planti lain long kain kain save lain long wok developmen bai kamap long ol gavman, nesenal na r-

jinal wimen ogenaisesen, akademik institusen na developmen patna.

Cook Ailans, Fiji, Kiribas, Palau, Papua Niugini, Samoa, Solomon Ailans na Vanuatu bai i gat lain i makim ol long dispela kibung.

Dispela kibung em Yunaited Nesens Edukesenel, Sainenetik na Kalsa Ogenaisesen (UNESCO), Yunaited Nesens Developmen Progrem (UNDP) na UN Wimen i bung na ronim.

Kibung bai kamap long tripela de stat long Jun 13 na pinis long 15 long Novotel

long Nadi, Fiji na ol i laik lukim bihain long dispela kibung bai gutpela save na tingting na wanbel i kamap long sampela eksen long nesenel na risinel level we ol i ken kisim, o yusim long kamapim moa toktok i go i kam namel long ol lida na ol lain bilong kamapim ol polisi long wanem samting sosaiti, na tumbuna kalsa i ken mekim long stretim hevi bilong meri i nogat wankain mak olsem man na tu long daunim pasin bilong paitim na bagarapim meri.

Yunaitet Nesens Residen

Kodineta na UNDP Residen bos long Fiji, Knut Ostby bai givim namba wan toktok. Dokta Sue Vize, Opisa i lukautim UNESCO opis bilong ol Pasifik Stet, na Doreen Buettner bilong UN Wimen bai i toktok tu long opim dispela kibung.

Bai i gat piksa stori bilong ol meri long Pasifik long wok bilong ol long taim ol i go pas long kamapim bel isi namel long komyuniti bilong ol na long we bilong pasin kalsa long taim bilong ol i helpim long soim pes bilong ol dispela wok.

## Rigo Wimen in Agrikalsa i kisim helpim long CPL

RIGO Wimen in Agrikalsa Koperativ Sosaiti i kamapim gutpela samting wantaim ol fama long ol komyuniti bilong Rigo Distrik.

"Rigo Wimen in Agrikalsa i gat plen long developim 8-pela arapel risos senta we ol 8-pela dairekta bilong asosiesen i stap," MIS Nellie Bola, meri husat i bin kisim Praid ov PNG Awot long Environmen Kategori 2009 na Siameri bilong Rigo Wimen in Agrikalsa Koperativ Sosaiti, i tok.

"Dispela bai helpim long trenim na wok bilong agrikalsa long bihain i ken stap klostu long 3-pela LLG komyuniti bilong Rigo Distrik. Mipela hop bai gavman i givim ful sapot wantaim ol arapela stekholda long dispela bikpela wok prosek long kamapim olgeta gol na helpim long strongim ikonomi sekta bilong visen 2050," em i tok.

Rigo Wimen in Agrikalsa prosek i save wok wantaim ol voluntia meri tasol ol i soim olsem ol i ken mekim wok gut wantaim long kamapim gutpela laip bilong ol komyuniti bilong ol wantaim ol agrikalsa ektiviti we bai i stap longpela taim.

"Long lukluk bilong mi olsem sia meri bilong RWIACSL long 2009 i kam nau, mi lukim 6-pela hevi i stap na i mekim wok bilong sosaiti i no ron gut olgeta taim. Ol dispela samting em, ol fam o gaden bilong fama i liklik tumas, ol fama i nogat bikpela save long kamapim kaikai, nogat mani, nogat gutpela bikrot na liklik rot, nogat gutpela transpot, sampela rot bilong gavman i no stap long helpim," em i tok. "Mipela i laik lukim gavman na ol memba bilong palimen wok bung wantaim ol sios na sivel sosaiti long rausim pasin korapsen. Ol i mas hones na kamapim tru ol wok ol pipel i nidim olsem eduksen, helt na gutpela rot na bris na lo na oda. Dispela mas senis," em i tok.

Mis Nellie Bola i save helpim ol liklik fama meri aninit long Rigo Wimen in Agrikalsa Koperativ Sosait long stretim rot



Mis Nellie Bola wantaim pikinini bilong em (namel) na Mis Rosemary Miria 2011 wina bilong CPL Praid ov PNG.

bilong ol long salim ol kaikai na kumu bilong ol long Mosbi Siti wantaim helpim bilong Siti Famesi Limited (CPL) wantaim ol stoa bilong Stop n Sop. Antap moa long dispela sosaiti i bin i nap long stretim toktok wantaim

PNG Maikro Fainens Limited long opim ol pasbuk bilong ol fama na helpim ol long putim man bilong ol long beng. Dispela em ol i wokim pinis long 3-pela hap insait long distrik long las yia na nau ol i laik mekim long moa eria.

Bikpela samting i kamap long dispela prosek em olsem, em i inap long liptimapi hevi bilong ol fama we ol i save karim long planti yia i go pinis. Ol fama mama i no bin save gat trespot long bringim kaikai bilong ol long Mosbi maket. Nau dispela rot i sevim taim na kos long ol i kam long siti long maket. Ol bai i noken pret long ol man nogut i bagarapim ol long siti maket na tu ol man husat i helpim ol i save laik long bagarapim ol meri na ol yangpela gels.

Bikpela samting moa em ol i nap long kisim mani long haus dua bilong ol stret o peim i go long saving akaun bilong ol stret wantaim PML beng. Ol fama nau i ken sevim mani bilong ol na i ken baim ol samting ol i save nidim olsem karasin bilong lam, skul fi, haus sik fi na klos.

Dispela sevis deliveri prosek em i fest aim long Rigo Distrik na planti fama i ken tokaut long dispela olsem dispela prosek i mekim laip isi long ol.

"Mi givim bikpela tok amama i go long ol Rigo Wimen in Agrikalsa dairkta, fama na ol family long sapot bilong ol givim graun bilong ol yet na ol wok samting bilong ol long kamapim dispela wok," Mis Bola i tok.

"Nau Rigo Administresen i luksave long wok mipela mekim wantaim CPL Grup long helpim ol rural fama na olsem na ol i selektim mi long kamap olsem Wimen Rep insait long Rigo Distrik 5 Yia Developmen Plen Komiti long kamap maus meri

bilong ol meri na ol fama," Nellie Bola i tok.

"Mi gat strongpela bilip olsem wantaim helpim bilong mi long wok bilong Distrik Plening, ol driman bilong mipela long nupela developmen long helpim ol fama insait long distrik bai kamap ples klia," em i tok moa.

CPL grup i helpim ol fama bilong Rigo moa long lainim ol long slipim ol paip bilong karim wara na nupela wara pam long risos senta bilong ol long Kokebagu. Wantaim sapot bilong gavman dispela bai kamapim gut tru we bilong fama i mekim wok na bai bikpela kaikai i kamap bilong apim mak bilong maket.

Mis Bola i pinis na i tok, "Mi laik tok tenkyu tru long CPL Grup long kamapim dispela narapela kain progrem we ol i bringim ol sans na sensi long ol liklik ol meri long kamapim bikpela samting long komyuniti. Em i helpim mipela long yusim olgeta save mipela i gat long kamapim gutpela sindaun."



# AOG Kona Ston i holim Bisnis na Lidasip Konfrens

Frieda Sila Kana i raitim

“SENISIM PNG wantaim ol lida i gat visen na i pret long God, bihainim model bilong Singapo,” em i het tok bilong wanpela bisnis na lidasip konfrens i kamap long dispela wik insait long Asemblis ov God Kona Ston Getwe Sios long Gordons, Pot Mosbi.

Dispela kibung i kamap bilong senisim ol lida bilong politik, bisnis ol saveman meri long opis na ol as ples man na meri husat i gat liklik na namel sais enteprais o bisnis.

Mista Chong Foo Chaw, bilong kantri Singapo em i kam olsem ges spika long dispela konfrens. Em i wanpela bikpela bisnis man na saveman long kamapim liklik bisnis o bisnis i laik dai i kamap bikpela gen. Mista Chaw i bin kam wantaim Reveren Dokta George Annadorai, wanpela wokman bilong God we em i save kam long Papua Niugini planti taim long Mosbi long toktok long pasin bilong PNG mas kamapim ol bisnis bilong lokal man yet na mekim wok bilong God long kantri na bihain karim tok i go bek gen long israel.

Long wanpela dina kaikai ol oge-naisa i holim long Dainasti Restoron long Visen Siti, Dokta George Annadorai i toktok long visen na stori bilong Singapo, Papua Niugini na israel i bung olsem wanem. Em i tok Singapo na Papua Niugini i wankain long planti we. Wanpela we em tupela wantaim i ailan kantri, narapela em tupela wantaim i stap long profesi bilong God olsem tupela i stap long is. Em i tok ol bikpela kantri long Yurop na Amerika i bin kamap bikpela bipo tasol nau taim bilong



Ol lain i kam long dina na harim toktok bilong Mista Chong Food Chaw.

ol i pinis na nau em taim bilong ol isten nesen olsem Papua Niugini, Singapo, Saina, india, na ol arapela isten nesen.

Reveren Annadorai i tok Bikpela i bin kamap long Aposel Jon long Ailan bilong Patmos na tokim em long samting bai kamap long las de. Olsem na em i tok, Papua Niugini i mas redi, bilong wanem gutpela samting i bai kam yet long las de. Papua Niugini na Singapo ol i ailan nesen olsem na nau las de bai God tu i laik toktok long ol.

Singapo em i liklik nesen tasol em i kamap namel ples bilong olgeta bisnis long wol tred bilong wanem ol tumbuna na papa bilong ol i bin mekim bikpela samting. Taim ol i bin kisim independens long 1965, kantri Malaysia i bin tromoi ol nating olsem bebi nogat napkin.

Papa bilong nesen, Mista Lee Kuan Yew i kirap na go long olgeta hap bilong graun na askim ol nesen long helpim tasol nogat wanpela i laik long helpim dispela liklik ailan. Tasol wanpela kantri i bin tok orait long kamap pren bilong Singapo em israel tasol. Taim Singapo i sainim prensip agrimen wantaim israel em i stat long lukim gutpela samting i kamap na ikonomi bilong kantri i gro kwiktai.

Gavman bilong Singapo i kamapim wanpela pasin ol i kolim “ol man i werim waitpela klos” na olgeta politisen na ol bikpela saveman i stat long werim waitpela trausis na sio tasol. Long dispela em sain olsem ol i laik rausim olgeta pasin korapsen long nesen bilong ol bikos we ol i kam long em bipo, long kantri Saina na Malaysia i

save gat dispela kain pasin i stap.

Taim ol i tokaut long pablik olsem ol bai i no nap tru long larim korapsen i kamap insait long olgeta laip na bisnis, politik bilong ol, em nau ol i lukim laip bilong nesen tu i senis. Em i tok bipo em Singapo i wanpela pua kantri tru bikos em i nogat tru wanpela samting long salim na kisim mani. Liklik ailan tumas na i no nap gat bus, maunten or wanpela main bai kamap.

Tasol insait long 40 yia, Singapo i senisim sindaun bilong em na i lusim ples bilong em olsem wanpela ted wol kantri na senis i go kamap wanpela fes wol kantri. Olgeta nesen long wol nau i laik lukluk long Singapo.

Em i tok, “God i bin kisim bek israel long isip bihain long 430 ol i stap aninit long arapela kantri. Wankain olsem God i blesim Papua Niugini olsem na noken opim han na askim, askim long helpim nogat. Yupela mas tanim han i go daun na planim samting bilong yupela yet long painim mani na kago. Yupela i mas kaikai samting yupela planim long graun bilong yupela yet.”

Bihain long Reveren Anndorai i toktok, Mista Chong Foo Chaw i tokaut liklik long wanem kain rot em i save tanim ol kampani i laik i dai

stret i kam bek laip gen.

“Mi laik serim aidia bilong mi na tu mi laik lainim long yupela,” Mista Chaw i tok.

“Ol winman i save painim ansa bilong hevi bilong ol, na ol i no save painim we bilong pundain na kankain ekskius. Mi kam stap long kantri bilong yupela, i no moa long 8 haua yet na mi harim planti tok-tok bilong problem o hevi. Tasol gutnius em i olsem. Problem bilong yupela i no nupela, em i wankain olsem olgeta narapela lain i gat long wol,” em i tok.

“Mi laikim gavman bilong yupela na ol pipel, liklik, namel na bikpela bisnis man meri i mas lukluk ausait long kantri na ples bilong yupela yet long painim helpim. Noken stap tasol na sore long yupela yet na stap,” em i tok.

“Ol gavman opisa bilong yupela i mas wokabaut i go long wol tred expos olsem long autim ol gutpela samting yupela i gat long givim long wol maket. Gavman i mas wok strong long kamapim nem bilong kantri bilong yupela long wol,” Mista Chaw i tok.

“Intenesen! Enteprais em olsem, bung wantaim em na bai yu kisim strong. Painim kankain pren, noken malolo tasol wantaim wanpela o tupela poroman. God aut long wol na painim sans bilong yupela,” em i tok.

Sampela lain i askim Mista Chaw long wanem kain edukesen em i nap long kamapim gut wanpela nesen.

Em i tok vokesenel trening em i gutpela samting tru long putim tingting long edukesen. Lukim Jermani em i save putim pe bilong ol teknikel man wankain olsem olgeta arapela wok tasol.



Ol Prinsipol bilong  
**GUTPELA  
LIDASIP**  
wantaim  
**Ohare Jabere**

## ‘Gavman i mas stopim bia long kantri’

BIA i save bagarapim planti manmeri na sindaun bilong famili i no stap gut.

Taim bia em i stap insait long bodi sistem bilong manmeri pinis em i kamap bos long laip bilong ol, na em i no save givim gutpela tingting, save na. Bia mekim femili sot long samting bilong helpim bodi na spirit.

Fotnait baset: Taim manmeri putim bia i stap bos bilong laip wanwan fotnait baset, em save brukim long bia pastaim, bihain bekim dinau, kaikai billong haus, kolos, wantok, femili na las tru em God krieta bilong yunives na yumi manmeri. Hagai 2:8 Baibel i tok gold na silva em blong God, bai yumi putim God i go pas o bia na mani i go pas?

Olsem na yumi bungim planti hevi i kamap long laip na femili olgeta, bikos bia em i bosim laip, haus nogat kaikai, bia mekim manmeri bukim mani, pikinini lusim skul, nogat gutpela kolos, nogat bas fi, lans mani, long wanem tok bilong kisim wara mekim femili sot na sindaun i bagarap.

Bia bringim manmeri i go long klab: Tude yumi lukim gutpela sindaun long haus i bagarap bikos bia i bringim manmeri i go long

klab, bungim planti frens, mani pinis long bia, painim bukim mani. Yumi i go long klab bringim planti hevi moa i kam long haus, femili na laip i hat olgeta, marit bruk, nupela marit i kamap, boi pren gel-pren lusim narapela, bungim nupela pren bringim sik i kam long femili laip na man i dai, kros pait kirap. Bikos long bia bringim manmeri i go bringim hevi kamap long haus, plet, kap, sospen bruk, inosen haus kisim bikpela bagarap bikos yumi no yusim gutpela tingting.

Baibel (Ecclesiastes) Saveman 7: 29 – God i bin mekim rot bilong ol manmeri na ol i no hatwok long bihainim, tasol ol yet kamapim planti kankain tingting na pasin na dispela i mekim wokabaut bilong ol i hat tumas.

Rape- violence against women: reip – Sampela reip i save kamap na yumi harim na lukim long midia ripot, bia em i as bilong hevi, olsem man i dring bia het i paul na mekim nating, nating.

Dring bia i no i nap yet, dring hombru i no inap, painim smuk nogut (marijuana), het faul na mekim reip, paitimman, pulim meri pikinini. Bia mekim pasin nogut kirap na nogat gutpela stia long tingting bilong man.

Sampela reip i save kamap long tingting na pasin nogut insait long het bilong ol man, olsem seten dispela birua bilong yumi i save kamapim man long mekim reip o pasin pamuk, tok giris bilong seten i wankain olsem bilong bia i bringim man i go long rot na laip nogut.

Long ples, pawa bilong bia, hombru na smuk nogut, i mekim ol man skin lus na sot long blut na pasin stil kirap. Stilim pik na kakaruk bilong arapela man.

Pawa bilong dispela 3-pela samting nogut i strong tumas na daunim gutpela tingting na nogat stia na reip kamap.

Yangpela pikinini tumas dring bia. Tudei planti pikinini krismas bilong ol aninit long 18 yia i dring bia, lusim skul, wok, famili na raun nating long strit.

Taim haus i stap long kontrol bilong bia, pikinini lainim long bikpela manmeri, papamama, wanem samting em i lukim na harim ol i mekim, olsem na em tu i bihainim na lusim gutpela sans long tumora laip.

Taim papamama givim bas pe, em i go baim bia, hombru, smuk nogut, OP, Kopi pans. Swit bilong bia mekim ol pikinini stilim samting insait long haus i go salim,

kisim mani, baim bia, pikpoket, pulim bilum, kisim maket tebol mani bilong arapela manmeri, baim spakbrus, bia na spak.

Tudei ol yangpela pikinini meri aninit long 18 yia i salim bodi bilong ol yet long dring bia tasol. Taim ol i nogat mani long baim bia, ol i bihainim ol man i gat mani long baim bia bilong ol long dring na i salim bodi bilong ol.

Ol i raun long strit, kisim sik i kam insait long femili na komyuniti na kamapim dai, na tu long taim bia kontrolim tingting bilong pikinini aninit long 18 yia, yumi i nap luksave olsem komyuniti na femili sindaun i no stap orait.

Taim bia bringim bagarap long laip bilong yangpela manmeri, em i kampaim ekstra kos ausait long plen famili.

1. Em i bringim sik nogut i kam
2. Em i bringim dai
3. Em i bringim pen, hevi na wari long laip bilong man.

Yumi bosim bia: Saveman wokim bia i gat mak na wei long dringim na kisim gutpela tingting na mekim wok bilong em. Tasol yumi sampela, yumi larim bia bosim yumi, olsem dadi bos long laip, olsem na maski fotnait

Fraide, yumi tok nogat mani, mi i gat problem, painim bukim mani, femili sot long samting na hangere, pikinini kisim bagarap.

Olsem na wanpela gutpela tingting yumi i nap painim em insait long buk bilong Proverbs o Gutpela Sindaun 15:33A, pasin bilong i stap aninit long bikpela em rot bilong kisim gutpela tingting na save.

Long pinisim tok bilong bia, hombru na marijuana, i gat 5-pela laip na ples yumi olgeta i nap painim yumi yet long en; long taim yumi larim bia, maruana na hombru i stap dadi bos long laip bilong wanwan.

5-pela ples bai yu go long en insait long laip;

1. Bomana haus kalabus
2. Laloki hausik bilong ol het longlong
3. Cheshire Hom (Hohola)
4. 3-mile hausik (POM General Hospital)
5. RIP (9mile) matmat, ples ov neva riten.

Tingim, yumi em piksa bilong God na haus holi bilong God i stap insait long yumi wanwan 1Korin 3: 16.

# Sen Margaret na Gona Helt Senta long Oro i kisim mobail helt klinik

**DIGICEL** Faundesen i baim tupela mobail klinik ambulans long Sen Margaret na Gona Helt Senta long Popondetta, Oro Provins long Tunde 4, June 2013.

Digicel PNG Faundesen i patna wantaim Sen Margaret na Gona Helt Senta insait long Ijivitari na Sohe Distrik bilong Oro Provins, wantaim wanpela agrimen long wik i go pinis, long givim moa helt sevis long ol dispela distrik wantaim wan, wan mobail helt klinik, mani mak bilong em K160,000.

Sen Margaret na Gona Mobail Helt Klinik i namba wan helt senta long kisim dispela kain helpim insait long Oro Provinse. Dispela tupela helt senta i stap aninit long menesmen bilong Anglican Helt Sevis.

Sen Margaret helt senta i sainim wanpela wanbel pepa i tok orait olsem Popondeta Jenerel Haus sik bai manesim tupela helt senta. Tupela helt senta nau i save helpim na lukautim 19,000 pipel long helt autris patrol long moa long 10-pela ples na skul i stap longwe long klinik, insait long tupela distrik.

Digicel Mobail klinik i gat olgeta samting autris tim bai nidim long mekim isi wok bilong karim ol marasin saplai long lek na i go long ol dingi na long ol wara we i save kisim planti aua tumas. Dispela em i bikpela helpim long daunim hevi ol lain i save painim taim ol i go long mekim wok raun bilong ol.

Dispela patnasip i kam aninit long pablik-praivet patnasip bilong Popondetta Jenerel Hospitel na Anglican Sios Helt Sevis. Digicel PNG Faundesen i luksave long dispela patnasip olsem na em i bung wan-



Mobail Helt Klinik Digicel PNG Faundesen i givim.



St Margaret na Gona Medikal Helt Senta wok lain wantaim nupela mobail klinik.

taim ol na sapatim wantaim wanpela ambulans long strongim ol bai i ken helpim moa ol lain insait long

ples na komyuniti bilong Oro Provins.

Sif Eksekutiv Opisa (CEO) bilong

Oro Jeneral Haus sik, Dokta Gunzee Gawin i tok long taim bilong lonsim mobail klinik olsem, "Mipela tenkyu long Digicel PNG Faundesen long sapatim dispela projek, em i nupela kain stret insait long provins na em i makim pablik-praivet patnasip. Mipela i gat bikpela tenkyu long ol wok Digicel PNG Faundesen i mekim stat long taim ol i bin kam long PNG, long helpim ol lain i nogat samting tru na nogat we long helpim ol yet."

"Dispela invesen bilong K160,000 i soim Digicel PNG Faundesen i gat komitmen long stretim helt sevis long olgeta hap bilong PNG. Mipela tenkyu long em i luksave long Sen Margaret na Gona helt senta olsem tupela i gat gutpela menesmen long ronim klinik, na ol i givim dispela mobail klinik tude long mekim moa gutpela helt sevis long ol komyuniti," Mista Gawin i tok.

CEO bilong Digicel PNG, Beatrice Mahuru i tok, Digicel PNG Faundesen i luksave long bikpela samting olsem long wok bilong patnasip wantaim gavman long kamapim strong wok bilong ol komyuniti posek insait long PNG bai stap longpela taim.

"Long dispela as, mipela i amamas long patna wantaim Sen Margaret na Gona Helt Senta long givim dispela gutpela sevis long ol pipel bilong Ijivitari na Sohe Distrik insait long Oro Provins," Mis Mahuru i tok.

"Digicel PNG Faundesen i luksave olsem gutpela helt sevis em i namba wan long developmen bilong Papua Niugini olsem na em i sapatim," Mis Mahuru i tok moa.

Digicel PNG Faundesen i givim pinis mani bilong kamapim 210 komyuniti prosek i karamapim 22 provins long PNG, na em i bin putim pinis K18.75 milien i go bek long ol komyuniti i nogat tru samting namba olsem 150,000 pipel. Digicel PNG Faundesen i gat plen long go het yet long givim moa mani long ol komyuniti prosek long eria bilong besik edukesen na helt long mekim ol komyuniti bai sanap long strong bilong ol yet long bihain taim.

## Provinsel edukesen opis i mas hariap long givim risamsen fom bilong ol tisa

EKTING Sekreteri bilong Edukesen, Mista Luke Taita i singaut long ol provins i mas hariap long salim ol risamsen ov duti samari sit (RoDSS) i kam hariap long nesanel edukesen opis long Waigani.

"Mi gat bikpela wari olsem sampela provins husat i gat moa long 300 tisa i stap yet long suspensen na i no kisim pe. Dispela ol provins mas wok hariap na toksave long ol dispela tisa i stap pinis long skul o nogat," Mista Taita i tok.

Em i tok ol i ken sevim planti mani sapos ol provinis i sotim taim bilong wet olsem.

Em tok gen olsem dispela wok i kisim longpela taim tumas, olsem na em i askim ol provins long wok hariap liklik.

"Seken Tem bilong skul i pinis long Jun 28 em tripela wik bihain, olsem na sapos dispela kain namba bilong tisa i no givim yet risamsen fom, em bai yumi mas askim o painim aut olsem ol tisa i wok long tis o nogat. Ol Stendet Opisa na Povinsel na Distrik Edukesen Opisa i mas hariap tru helpim long mekim dispela wok," Mista Taitam i tok moa.

Stat long pe de 31 Me, 2013, 3,727 tisa i kam bek pinis long pe rol, em i bikpela

senis long narapela pe de long 17 Me, 2013 we 3,071 tisa tasol i bin kam bek long pe rol.

Bungim namba bilong olgeta tisa i stap yet long suspensen em 5,052 long pe de 31 me, 2013 em i bikpela senis long pe de 17 Me, 2013 we 5,708 tisa tasol i bin kam bek long pe rol.

Namba bilong ol tisa i stap yet long suspensen long ol provins long pe de 31 Me, 2013 na makim wantaim pe de 17 Me, 2013 i stap long lista aninit.

Antap long dispela 1,055 nupela greduet tisa nau i stap long pe rol olsem long lista aninit.

Provins Nem	Tisa i stap yet long suspensen long 17 Me, 2013.	Tisa i stap yet long Suspensen long 31 Me, 2013	Nupela Greduet pe rol	tisa long
Westen	27	27	23	
Galf	54	42	17	
Sentral	195	180	29	
Milen Be	154	154	53	
Oro	35	34	26	
Sauten Hailans	697	655	52	
Isten Hailans	299	269	50	
Simbu	191	181	77	
Westen Hailans	355	329	67	
Sandaun	325	314	60	
Is sepik Provins	329	291	79	
Madang	346	421	179	
Morobe	944	744	27	
Wes Nu Briten	350	297	26	
Is Nu Briten	148	127	47	
Nu Ailan	161	160	59	
Atonomus Risen ov Bugainvil	317	270	55	
Manus	45	28	14	
Nesnel Kapital Distrik	166	155	16	
Enga	390	293	73	
Kiunga Lek Mari	82	81	26	
<b>Total:</b>	<b>5,708</b>	<b>5,052</b>	<b>1,055</b>	

Ekting Sekretari bilong Edukesen i tok olsem ol provins mas gat asua long lukautim ol tisa ol i kisim long wok na lukautim ol i mas pulimapim ol dispela risamsen fom long stat bilong skul yia.

"Em i wok bilong ol opisa long provins long sekim gut ol dispela fom bipo long ol i salim i go long Waigani bai putim i go insait long sistem olsem bai ol tisa husat i tis tru long skul i no ken raus long pe rol, na bagarapim sindaun bilong ol na wok bilong ol," Mista Taita i tok.



**TOK PISIN NEWS**  
from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHz)  
7pm - 9pm 5995; 6020; 9710; 1280(KHz)



**PRAIM Minista Julia Gillard i toktok long wanpela bung long Australia.**

## Wes Papua bai go long MSG lida samit

FLNKS gavman bilong ol Kanak as ples pipel long Nu Kaledonia i singautim ol Wes Papua long go long bung bilong ol MSG lida.

Wanpela lida bilong ol Wes Papua Freedom Ektivis i tok FLNKS i givim opisal tok orait long ol i sindaun long dispela Melanesia Spiahet Grup Lida Samit long Nu Kaledonia neks wik.

Andy Ayamiseba, husat i bes long Vanuatu, i tok invitesen bilong Wes Papua i atendim namba 19 MSG Samit ya i wanpela bikpela step long stragel bilong ol Wes Papua pipel.

Mista Ayamiseba i tok dispela tok orait bilong FLNKS em bilong ol Wes Papua Kolisen yet, na bai ol i no go aninit long nem bilong Vanuatu o narapela memba bilong MSG.

Long ol yia we i go pinis, Wes Papua i save go long MSG miting olsem hap bilong Vanuatu delegesen bilong traim long kamap memba bilong Melanesia Spiahet Grup.

Em i tok sapos Wes

Papua i kamap memba bilong MSG, em bai minim olsem em i kamapim moa yet muv bilong ol long kisim sapot bilong ol arapela kantri long wol.

Wanpela long ol deleget bilong Wes Papua we bai go long MSG samit ya em i Barack Sope wanpela praim minista bilong Vanuatu bipo, husat i stap olsem advaisa bilong Wes Papua Koalisen.

## Solomon Ailans teksi i pasim smuk

WANPELA teksi sevis long Solomon Ailans i pasim ol pasindia long smuk sapos ol i go long teksi bilong ol.

Fred Peter, man i go pas long lukautim Kings Teksi Sevis long Honiara, i tok we ol i pasim pipel long smuk long teksi bilong ol i gutpela long bisnis bilong ol.

Em i tok em i gutpela long ol pipel i go insait long klinpela teksi na i gutpela long helt bilong pipel tu.

Mista Peter i tok ol kas-toma bilong em i no moa komplem long smel bilong smuk na kar i no doti.

Em i tok kamapim dispela rul long noken smuk long

teksi bilong ol, em i kisim gutpela luksave i kam long pablik na tu, long ministri bilong helt.

## Mi bai lidim Labor long ileksen: PM Julia Gillard

PRAIM Minista Julia Gillard i tok em nau bai lidim Labor pati long neks ileksen na em i tok ol toktok long lidasip bilong pati i 'win lus nating'.

Ol dispela toktok nau ya long Kevin Rudd bai kam bek gen i soim tingting bilong pablik bai Labor i lus long ileksen.

"Mi em namba wan meri long lidim Labor Pati," Mis Gillard i tok long dispela moning. Em i tok ol kainkain tokotk long midia na ol ripota long senis long lida bilong pati i westim win tasol.

Tasol Mista Rudd i tok em bai no mekim salens na Mis Gillard i tok em bai no inap givap.

Mis Gillard i tok em i gat bilip long lidim pati long Septemba 14 ileksen.

Em i tok em nau i namba wan long lidim Labor Pati.

Em i tok em i save i bin

gat sampela samting i hat, tasol em i tok ol pipel i votim gavman long wokim ol bikpela samting bilong kantri na bilong ol taim i kam bihain – na ol bai votim gavman sapos sampela samting i stap yet bilong wokim.

Em ol dispela samting nau em i wok long en.

Mis Gillard i tok em i no lukim wanpela as long watpo bai em i no lidim pati long ileksen.

## Faiv-stori Mumbai apatmen i pundaun long Monsoon

WANPELA apatmen haus long sentral Mumbai long India i bin pundaun, na ol i ting i kilim dai wanpela man na planti moa i pas insait long dispela haus.

Dispela haus i pundaun long namba tu de bilong taim nogut ol i kolim monsoon, we i bringim planti ren long dispela siti.

Polis i tok ol i ting wanpela man i bin dai na reskiu wok i hat long wanem i gat bikpela ren.

Foapela diga na sampela pipel i bung long ples we dispela faiv-stori bilding i bin

pundaun.

Wanpela hap long dispela haus i sanap yet.

Press Trust of India nius ejensi, i ripot olsem wanpela opisal i tok wanpela lapun meri i bin dai na sampela moa i kisim bagarap na ol i kisim go long haus sik.

Dispela hevi i kamap tupela mun bihain long wanpela seven-stori bilding i bin pundaun long Mumbai na i kilim dai 74 pipel – na ol i bin arestim tupela bilda na sevenpela man moa.

Bikpela ren long tupela de long Mumbai i kamapim haiwara, ol tren i no ron, na i gat rot na trefik i bagarap long siti.

## Sosol midia i no kisim ples bilong pulpit – CBC

KATOLIK Bisops Konprens bilong Papua Niugini na Solomon Ailans i tok sosol midia i no kisim ples bilong pris long pulpit.

CBC i tokaut long dispela long Enuat Jeneral Miting we ol i bin holim long Madang ino long taim i go pinis.

Jeneral Sekreteri bilong CBC, Pater Victor Roche, i tok sios i go het strong long yusim sosol midia olsem Twitter na Facebook long givim aut ol toktok bilong sios.

Em i tok dispela i bihainim toktok bilong Pop long yusim ol nupela kain sosol midia bilong givim aut ol skul na toksave bilong Sios.

Tasol em i tok dispela i no minim olsem sosol midia i tekova long yusim pulpit long sios bilong spredim tokotk bilong Sios.

## Solomons Premia Konprens

PREMIA George Lilo bilong Westen Provins i laik long toktok long developmen i kam long provins yet, i no kam long Honiara.

Mista Lilo i tok olsem pas-taim long provins bilong en i hostim Premias Konprens stat long namba 17 inap long namba 21 long Jun.

Em i tok ol provinsal gav-

man nau i stap wantaim ol pipel na i save gut long ol developmen nid bilong provins, na i no ol opisal na politisen i kam long Honiara.

Long dispela nau, Mista Lilo i tok em i no stret long ol opisal long nesanel gavman long Honiara i go na tokim ol provins long wanem nau developmen nid bilong ol.

Em i tok tu olsem konprens bai go het, maski sampela ripot i bin tok bai em i no go het long wanem bai gat wanpela boikot.

## PNG polis bai apim wok sekyuriti long Stet ov Orijin 2

POLIS bai bringim moa polis long wok sekyuriti insait long biktaun bilong Papua Niugini, insait long namba tu raun bilong Stet ov Orijin insait long Australia, bihain long ol pait i bin kamap namel long ol sapota long pilai namba wan las wik.

Ragbi Lig Stet ov Orijin i save kamap long olgeta yia namel long Nu Saut Wels na Kwinnslen.

Dispela pilai i save kamap insait long Australia, tasol Papua Niugini pipel i save antapim Australia long we ol i save lukim pilai.

Las wik, pait i bin kamap namel long ol sapota insait long namba wan siris we wanpela man i dai na kukim sampela haus long paia.

Perou N'Dranau, Suprintenden bilong Operesens bilong Nesanel Kapitel Distrik, i mekim wanpela strongpela askim i go long ol pipel long sindaun isi long haus na lukim pilai na maski long go long strit long lukim.

"Plis amamas long mak – gem i kamap moa long wan handret kilomita longwe long Brisben nau," em i bin tok. "I no samting bilong yumi. Amamas na sapot tasol."

Suprintenden N'draou i tok moa long 20 nupela polis opisa bai go aut long ol strit na komyuniti, pastaim long stat bilong namba tu Stet ov Orijin gem long Jun 26.

"Wanem ol eria ol bai wok, em ol ples we i save pait klostu klostu, em mipela i salim ol polisman i go insait long toktok long ol," em i tok.

**Pacific BEAT**

Listen to Radio Australia  
101.9FM Port Moresby

4. 5. 6am & 4pm. 5pm  
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



# WOL NIUS LONG POTO...



1



2



3



4



5



6

**1. Apatmen blok pundaun long Mumbai**  
 OL ekskeveta i kliarim ol pipia taim ol reskiu woka i lukluk painim ol pipel bihain long wanpela residencial biling i pundaun long Mumbai, Jun 10, 2013. Pundaun bilong dispela biling i kilim wanpela man na i gat moa i mas pas insait, ol polis i tok, long namba tu de bilong ol bikpela monsoon ren long siti.

**2. Painim ol dok long haus bilong brida man**  
 OL enimal welfe kempena i bin redim haus bilong wanpela man husat i wok long haitim na groim ol dok long haus banis bilong em. Dispela man i stap long Saut Australia, na ol atoriti i kisim poto long ol kain kain dok i pulap long haus bilong en.

**3. Teki polis i pairim tia-ges long ol protesta**  
 OL Teki polis pairim tiages long wanpela protes long Taksim Skwea long Istanbul long Jun 11, 2013.

**4. Jet ski flai**  
 WANPELA man i flaim jet ski bilong em long wanpela demonstresen long Sumida Riva long Tokyo, Japan, long Jun 9, 2013.

**5. Jemani bungim haiwara**  
 OL Jeman soldia i karim ol bek wesana bilong strongim wanpela dem wara long Magdeburg, insait long is bilong kantri, bihain long Wara Elbe i wasim taun long Jun 9.

**6. Protesta strongim pait long Teki**  
 WANPELA protesta i tromoi bek wanpela tia-ges kares long bikpela pait wantaim ol raiot polis long Taksim skwea long Istanbul long Tunde dispela wik.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Kalos wantaim Hamonika

Nicky Bernard i raitim

HAMONIKA em wangepa kain instramen planti bilong yumi long Papua Niugini save kolim maus ogen.

Kalos, em wan laibri tisa long Yunivesiti long Papua Niugini long Pot Mosbi, em gat set maus ogen we em save karim raun long taim em go long klab.

Kalos bin go raun long Lamana long wangepa Fonde nait na em lukim ol Gwadu ben bin pilai na em go joinim ol wantaim dispela maus ogen bilong em.

Em bin pilai gut tru wantaim ol Gwadu na dispela taim nau em no save abrusim ol Gwadu ben long wanem hap ol pilai.

"Mi amamas stret long pilai wantaim Gwadu, ol save long wanem kain musik bai mi ken yusim dispela maus ogen bilong mi," Kalos i tok.

Maus ogen em planti long ol lapun manmeri bilong bipo save yusim long mekim musik bilong ol, Papua Niugini planti bi-



KALOS i pilaim hamonika bilong em wantaim Gwadu ben: Poto Nicky Bernard

long ol lapun bilong bipo tu save pilai dispela maus ogen.

Dispela liklik musik instramen em yu gat long-

pela win bai yu ken pilai longpela taim long wanem dispela instramen save wok long win tasol taim yu winim o pulim

win. Kalos, gat 4-pela kainkain maus ogen, taim em harim musik i kra osem wanem, em bai

senis long tune bilong musik. Kalos nau save pilai wantaim ol Gwadu ben taim ol pilai long klab o aiya.

EMTV Television Guide

FONDE JUN 13, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY

5:30 PM G TRAPPED YR.1 EP#5
6:00 PM G EMTV NATIONAL NEWS
7:00 PM G RAIT MUSIK
8:00 PM G RESOURCE PNG EP#74

FRAIDE JUN 14, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY

10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science

SARARE JUN 15, 2013

4:57 AM G AUSTRALIA NETWORK

6:30 AM G EMTV NEWS REPLAY
7:30 AM G ULTIMATE GUINNESS WORLD
8:00 AM G YOGA SUTRA EP# 11Rpt.

SANDE JUN 16, 2013

4:57 AM G AUSTRALIA NETWORK

6:00 AM G EMTV NEWS REPLAY
6:30 AM G IT IS WRITTEN - "
7:00 AM G HILLSONG
7:30 AM G JOSEPH KINGAL MINISTRIES

# TORO



# BIABIA



# KANAGE



# TOKWIN

## Polis Greduesen kam gut, tasol....

Long Fonde laswik, ol yangpela keded i greduet long Bomana Polis kolis. Mi lukim olsem ol yangpela i amamas tru na bilas gut tru long pered long kisim luksave bilong ol minista Labi Amaiu na ol arapela bikpela top man bilong polis. Pered i bin kamap long bikmoning tru we planti manmeri na pikinini tu i go lukim ol yangpela bilong ol i greduet.. Tasol long belo nau, san i wok long sain strong na givim hevi long sampela ol greduets.. Planti bilong ol i pundaun long pered yet taim minista i toktok i stap na ol i rasim ol i kamaut long sikbe ananit long wanpela diwai we ol i givim wara na rausim su na

kaki klos bilong ol long kisim win.. Mi sore tru long ol..  
Tasol ol mas save dispela kain wok i no isipela wok ol bai mekim. Dispela i no namba wan birua bai ol i feisim. I gat planti moa kain birua bai kam yet na bai ol i feisim long wok bilong ol..Yu mas strong na sanap tasol long pait egens ol korapsen na kainkain ol hevi na birua... Kongretulesen long ol yangpela greduets bilong Bomana Polis Kolis.. God i stap wantaim yupela. Yu mekim PNG i sanap strong moa yet!!

## Deth Penalti i kamap tasol ol man i no harim gut yet...

Planti kilim dai nating man i wok long kamap bikpela yet long ol siti.

Yumi ritim pinis na harim gut pinis long redio olsem gavman i oraitim mama loa long Deth Penalti. Tasol long laswik tasol ol birua i kilim dai nating wanpela man long Morata na tromoi bodi bilong em long fran bilong haus bilong wanpela man... na long Lae, ol raskol i kilim dai nating wanpela sumating long mobail fon bilong em tasol... Ol birua i no pret long ass bilong deth penalti. Ating yumi kilim wanpela trabol man long pablik na opim sampela pastaim.. Hariap na stat wok long deth penalti!

Tokwin Tasol...

M	A	N	U	S	N	A	L	E	A	H	N	E	T	S	E	W
Y	A	M	V	K	S	I	N	O	L	A	R	T	E	K	E	D
E	A	D	E	A	A	M	E	L	A	B	T	N	E	A	P	C
S	R	E	A	E	I	S	S	E	P	I	K	P	T	A	O	N
N	B	B	V	N	C	L	Q	O	Z	R	N	E	V	Z	K	E
U	N	O	W	R	B	I	A	R	W	F	N	I	D	G	L	S
B	J	R	Q	T	S	U	F	N	H	Z	F	A	T	V	I	N
R	B	O	G	E	N	V	I	L	C	O	H	S	I	D	B	A
E	C	M	S	U	B	R	W	E	T	K	N	E	M	N	Y	L
T	E	C	D	I	S	I	M	B	U	L	B	Z	R	U	F	I
E	N	G	A	O	P	E	Z	E	S	N	P	V	E	A	C	A
N	T	A	E	L	U	W	S	W	E	H	I	P	D	D	O	H
S	W	B	P	E	I	D	A	L	V	Y	O	L	F	N	U	N
W	E	S	N	U	B	R	E	T	E	N	I	A	P	A	N	E
B	E	I	V	X	N	M	C	P	O	Z	M	G	P	S	B	T
T	N	M	S	W	A	I	O	B	N	C	V	P	P	T	C	S
S	A	U	T	E	N	H	A	I	L	A	N	S	O	R	O	E

Palaim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SALUTEN HAILANS

3		6	4		2			5
				3				1 6
		9		5 7				4
9		2			6 7 5			
8 7								6 9
		6 3 9				4		8
4			5 6			3		
6 9				2				
5			7		8 6			2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol


A	I	R	N	I	U	G	I	N	I			K	A	G	O	A												
																R	I											
P	S		S	I	A	L	E	T								I	R											
L	E											A					L											
E	A	K								K	N					S	I											
S	I	I								O						U	N											
B		P	N							I	P					T	E											
A	I		J							T						I	K	S										
L	T			A				A									E	P										
U	I				K	N											S	N										
S	R				S	E					T	E						G										
U					D					T		E																
Y												K																
T	K	A														S	I	A										
I	E	L																										
																B	A	L	U	S	A							
I																J	I	U	S	E	A	H	O	S	T	E	S	F

# EMTV Television Guide

10:30 PM MAO <b>SUNDAY NIGHT MOVIE</b>	3:30 PM GO DIEGO GO	5:30 AM G <b>EMTV NEWS REPLAY</b>	9:30 PM G <b>EMTV NEWS REPLAY</b>	3:30 PM GO DIEGO GO
12:00 AM G <b>HILLSONG...Rpt.</b>	4:00PM LOCKIE LEONARD	6:30 AM G <b>TODAY</b>	10:30 PM G <b>AUSTRALIA NETWORK</b>	4:00PM LOCKIE LEONARD
12:30 AM G <b>EMTV NEWS REPLAY</b>	4:30PM MORTIFIED	9:00 AM <b>CLASSROOM BROADCAST</b>		4:30PM MORTIFIED
1:00 AM G <b>AUSTRALIA NETWORK</b>	5:00 PM G <b>KITCHEN WHIZ</b>	9:00am Grade 7 Mathematics		5:00 PM G <b>TRICKY TV EP#8 (re-run)</b>
	5:30 PM G <b>TOTALLY SPIES - EP#5</b>	9:50am Grade 7 Science		5:30 PM G <b>SKILLICIOUS YR.1 - EP#5</b>
	5:57 PM G <b>CRIME STOPPERS</b>	10:40am Grade 8 Mathematics		5:57 PM G <b>CRIME STOPPERS</b>
	6:00 PM G <b>EMTV NATIONAL NEWS</b>	11:20am Grade 8 Science		6:00 PM G <b>EMTV NATIONAL NEWS</b>
	7:00 PM G <b>NRL ROUND 12</b>	1:00pm Grade 6 Mathematics	4:57 AM G <b>AUSTRALIA NETWORK</b>	7:00 PM <b>STATE OF ORIGIN BUILD UP #1</b>
	8:57 PM G <b>EMTV TOKSAVE</b>	1:50pm Grade 6 Science	5:00 AM G <b>JOYCE MEYER</b>	7:30 PM G <b>STATE OF ORIGIN - GAME 1 "live &amp; exclusive"</b>
	9:00 PM G <b>COCA-COLA SPORTS SCENE</b>	2:30pm DEPI Program	5:30 AM G <b>EMTV NEWS REPLAY</b>	
	9:30 PM G <b>THE VOICE #22</b>	3:30 PM G <b>KIDS KONA</b>	6:00 AM G <b>TODAY</b>	
	11:00 PM G <b>EMTV NEWS REPLAY</b>	3:30 PM GO DIEGO GO	09:00 AM <b>CLASSROOM BROADCAST</b>	
	12:00 AM <b>AUSTRALIA NETWORK</b>	4:00PM LOCKIE LEONARD	9:00am Grade 7 Mathematics	9:30 PM G <b>TOKPIKSA Ep#20 - Repeat....</b>
		4:30PM MORTIFIED	9:50am Grade 7 Science	10:00 PM PGR <b>THE MENTALIST SEASON 1 EP#</b>
		5:00 PM G <b>KITCHEN WHIZ</b>	10:40am Grade 8 Mathematics	11:00 PM G <b>EMTV NEWS REPLAY</b>
		5:30 PM G <b>DANI'S HOUSE EP#5 - Sleepover</b>	11:20am Grade 8 Science	12:00 AM <b>AUSTRALIA NETWORK</b>
		6:00 PM G <b>EMTV NATIONAL NEWS</b>	1:00pm Grade 6 Mathematics	
		7:00 PM G <b>HAUS &amp; HOME</b>	1:50pm Grade 6 Science	
		8:00 PM G <b>BUSINESS PNG - Ep#20</b>	2:30pm DEPI Program	
		8:30 PM PGR <b>NIKITA S1/EP# 20/22</b>	3:30 PM G <b>KIDS KONA</b>	

Ol Program na Kilok i ken tenis oltaim...

# Raun wantaim Kanage olgeta wik



**NEM:** Joshua Malken  
**KRISMAS:** 30 (Man)  
**ADRES:** PO. Box 4132, Destiny F/Ship, Lae Morobe Provins  
**SAVE LAIKIM:** Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

**NEM:** Elijah Hombo  
**KRISMAS:** 23 (Man)  
**ADRES:** Nisol Elementary School, PO. Box 538, Lae 411, Morobe Provins  
**SAVE LAIKIM:** Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

**NEM:** Danny Henz  
**KRISMAS:** 38 (man)  
**ADRES:** PO. Box 4731, Lae, Morobe Provins  
**SAVE LAIKIM:** Pilai gita, Go Lotu, Pilai soka, wokim haus na gaden.

**NEM:** Stanford Jackson  
**KRISMAS:** 18 (Man)  
**ADRES:** Komnaik Stationary Ltd, PO. Box 182, Mendi, SHP  
**SAVE LAIKIM:** Go Lotu, Watsim TV, Pilai ragbi tas, Tok pilai na stori wantaim ol lain.

**NEM:** Dulcie Ben Mandi  
**KRISMAS:** 23 (Meri)  
**ADRES:** M&S Tsang Cash & Carry, PO. Box 19, Madang, Madang Provins  
**SAVE LAIKIM:** Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

**NEM:** Mocksy Gudego  
**KRISMAS:** 19 (Meri)  
**ADRES:** C/- Joshua Sono, PO. Box 77, Kiunga, Westen Provins  
**SAVE LAIKIM:** Pilai Musik, Harim musik na ritim buk.

**NEM:** Ivan Gudego  
**KRISMAS:** 17 (Man)  
**ADRES:** C/- Joshua Sono, PO. Box 77, Kiunga, Westen Provins  
**SAVE LAIKIM:** Go Lotu, Harim musik na painim poro.

**NEM:** Peter Kul  
**KRISMAS:** 22 (Man)  
**ADRES:** St. Edward Ambang - C/- PO. Box 28, Banz, Jiwaka Provins  
**SAVE LAIKIM:** Raitim leta, Ritim buk, Pilai gems, Tok pilai, Harim musik na watsim TV.

**NEM:** Junior B. Dii  
**KRISMAS:** 31 (Man)  
**ADRES:** College of Distance Education, PO. Box 2071, Yomba, Madang Provins  
**SAVE LAIKIM:** Go danis, Harim musik, Watsim TV, Tok pilai, Kisim wara na go swim

**NEM:** Yakias James  
**KRISMAS:** 18 (man)  
**ADRES:** Annia Village C/- Kanabea, Catholic Mission, PO. Box 220, Kerema, Gulf Provins  
**SAVE LAIKIM:** Ritim Niuspepa, Pilai musik, Pilai soka, volibol, basket bol, Harim Stori.

## Kus kilim kanage...

LAPUN Kanage kus i go tulait na go long haus sik long kisim sampela kus marasin. Em i go kamap long haus sik na wanpela nes meri askim em long wanem kain sik i kisim em. Na Kanage kus wantaim na tokim nes meri: O pikinin, strongpela kus i bagarapim mi stret. Mi no slip long nait. Mi kus i go i go na skin bilong mi i bagarap. Nes meri kirap na tokim Kanage. Sori tru papa. Gavman i sot long mani na mipela tu i sot long kus marasin. Kanage harim olsem na tokim nes. Na bai olsem wanem nau. mi i kam long kisim marasin. Mi no kam long yu tokim mi olsem gavman sot long mani na nogat kus marasin. Nes meri ya tingting i go na tokim Kanage. Maski yu go long haus na painim sampela tumbuna marasin na dring. Kanage belhat na tokim nes meri ya olsem. Sapos mi go long haus na kus i mekim save long mi, bai mi kam bek long hausik na kisim yu go long haus na bai yu soim mi olsem we bilong wokim marasin bilong ol wait man

**Marasin boi Wewak**

## Deti gem...

Wanpela taim, wanpela soka kom-petisen i kamap long Bulolo namel long ol Bulolo Forestry Koles na Wau Sekendari skul tim.

Planti ol manmeri i lukluk i stap



wantaim ol sampela wait man. Tupela tim i no pilai gut olsem na wait man i kirap na tok olsem, "Ol lain pilai deti gem stret." Kanage i harim na em i kirap na i tok, "Tru ya, ol i no was was na ol i kam long pilai."

**Bulolo**

## Mi papa bilong PM...

Wanpela taim bubu Kanage i go long opis bilong Praim Minista long Waigani. Tasol taim em i kamap long opis ol sekyuriti long hap i laik rausim em long wanem ol i no save olsem em i kam long lukim Praim Minista.

Lapun Kanage i kirap na tokim ol sekyuriti olsem, "Hey, yu ting mi the small boy ah, Mi the papa to Peraim Miniesta yah. Mi the papa ahio ol i les long lalim mi go intait yah. Me mekit the wat." Ol sekyuriti i harim em i tok olsem na ol i lap indai i stap.

Ol i bisi long lap na lapun Kanage i go insait hariap tru long opis.

**Gras rut man Waigani**

## Is dis Rabaul?

Kanage i save stap long Mosbi. Wanpela wiken, boi kalap long balus na go long Rabaul. Em i go long lukim ol bagarap maunten paia i kamapim. Balus i go kamap long Rabaul ples balus na Kanage lusim balus na go arasait. Em i lukim wanpela yangpela meri tolai sanap ausait long temine na em i askim meri long tok inglis olsem, "Hey lady, is this Rabaul town"

Meri tolai kirap na bekim. "Em nau." Kanage paul na askim gen na meri ya i mekim wankain toktok. Kanage belhat na tokim dispela yangpela meri Tolai olsem, "Oh no. it seems that she is trying to trap me. This is not Rabaul. Em i tok olsem pinis na kalap long balus na go bek long Mosbi.

Samting tru i olsem Kanage i no save long tok pisin. Em i save long tok inglis tasol. Watpo? Bikos em i bilong Papua yah.

**POM**

**Ol skwat!**  
**Salim ol gutpela Kanage tok pilai i kam long:**  
**Kanage Tok Pilai**  
**P.O. Box 1982,**  
**Boroko, NCD**  
**Port Moresby.**  
**Email:**  
**jwilson@wantok.com.pg**

# Pasin i no gutpela i wok long bagarapim skul bilong mi

**Dia Laipain,**  
 MI WANPELA skul mangi i gat 17 krismas husat i wokim Gret 12 long wanpela nesenel hai skul. Mi laik gre-duet o pinisim gut skul na go long yuni-vesiti.

Papamama bilong mi i divos o brukim marit, na papa i marit pinis na i gat wanpela pikinini. Mi save stap wantaim mama husat i stap em yet na i no marit. Susa na brata bilong mi i save stap wantaim mipela, tasol tupela i marit pinis na ol i gat ol pikinini bilong ol i stap wantaim mipela tu.

Wari bilong mi em, stat yet papamama bilong mi i brukim marit, mi no save mekim gut ol skul wok bilong mi.

Nau mi save smok na dring na sindaun stori wantaim ol strit lain na ol neiba i go inap let tru long nait na go bek long haus.

Ol papamama bilong mi i bisi long ol wok bilong ol, na ol i no save bisi long mi. Ol i save givim poket mani long mi tasol, ol i nogat taim long toktok wantaim mi. Yu ting mi ken mekim gut long skul sapos mi stopim ol bikhet pasin bilong smok na dring? Mi wari na mi laikim helpim.

### WORRIED STUDENT

**Dia Pren,**  
 Mipela i amamas olsem yu kam long Laipain long serim wari bilong yu long marit i bruk i kaampim hevi long skul na laip bilong yu.

Mipela i luksave olsem em i hat long ol pikinini long go het gut long laip wantaim ol kain famili na sosel hevi olsem.

Long tude, planti pikinini i wok long bungim wankain hevi olsem yu na dispela i kamap long wanem, ol kain pasin bilong ausait i kam insait, man i gat planti samting i mekim man i ting olsem em i gutpela moa long narapela o i gat sans long traime tupela wantaim. Dispela i mekim wanpela i ting olsem ol i gat sans long ol nupela samting we bai mekim ol i gat moa luksave namel long ol wanlain bilong ol.

I moabeta yu toktok wantaim ol papamama bilong yu long ol wari yu gat bikos mipela i lukim olsem tupela wantaim i wari long yu na ol i save givim yu poket mani.

Yu inap kamap olsem bris lon g tupela papamama i stretim hevi ol i gat. Planti pikinini tude i bungim dispela hevi taim ol i stap namel long hevi bilong papamama bilong ol.

Yu toktok tu long ol susa na brata bilong yu i marit pinis, tasol ol na ol pikinini na man bilong ol i stap yet long haus bilong papa na yupela olgeta wantaim. Yu tok dispela i save kamapim tu hevi.

I moabeta long yupela i singautim wanpela famili bung na toktok wantaim long ol dispela wari na hevi. Mipela i bilip olsem kain bung toktok i ken daunim sampela ol wari na hevi insait long famili.

Pren, kisim smok, drag na strongpela dring i no inap helpim yu, o helpim long stretim hevi bilong papamama, tasol bai givim yu moa hevi na wari. Na i no inap helpim yu long ol gutpela samting yu laik mekim.

I moabeta yu stopim pasin bilong

smok na kisim strongpela dring na lukluk long bihainim ol gutpela pasin. Bai yu kamap gutpela man sapos yu stap wantaim ol famili lain bilong yu moa na toktok na mekim long ol ol samting we bai helpim yu na papamama bilong yu.

I moabeta yu mekim ol samting na stretim laip bilong yu. i maobeta tu yu lusim pasin bilong ol strit manki na stap moa na toktok wantaim papamama na ol bikpela brata na susa long stretim ol hevi yupela i gat olsem famili.

Pren, bihain taim bilong yu i stap long han bilong yu. Senisim tasol pasin bai helpim yu kamap gutpela man long bihain taim.

Em i no helti long sutim tok long papamama long ol hevi yu bungim long en. Komplon na mekim ol samting bai bagarapim yu i no inap kamapim wanpela gutpela samting long yu. Yu mas mekim samting nau na bihain taim bilong yu i ken gutpela.

Pren bilong yu, Laipain.

**Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.**  
**Laipain**



# SVS sapatim liklik bisnis long groa

**Stanley Nondol i raitim**

**WANPELA** bikipela supamaket stoa long kantri, Supa Veliu Stoa o SVS i kamapim wanpela nupela rot long halivim ol pipel long kantri long mekim bisnis we SVS bai givim stoa kago long ol kastoma long ronim bisnis.

Dispela em nupela program ol koilm Supa V Stoa we kastoma bai peim mani mak long K60,000 long SVS kampani na kampani bai givim saplai bilong stoa kago long kainkain samting, wantaim bokis ais, liklik genereta na ol arapela samting.

Dispela em nesenwaid program we SVS bai lonsim long tete. Taim kastoma peim K60, 000, SVS bai sanapim wanpela kontena haus wantaim kago, SVS tu bai givim komputa na jenereta, long kastoma ken yusim. Taim kago pinis kastoma bai go baim gen long SVS na dispela bai go het yet inap long 3pela yai. Bihain long 3 pelayia sapos bisnis i ron yet bai SVS i larim kastoma kisim kontaina na em laik mekim bisnis yet wantaim SVS o nogat em laik bilong ol yet.

Projek Menesa bilong SVS ,Patrica Kassman aste i tok olsem dispela program

em long sapatim gavman long SME program long halivim long groim liklik bisnis bilong ol pipel.

Miss Kassman tok taim ol kastoma baim laisens long mekim dispela bisnis nbai SVS i givim gutpela trening long rot bilong growim na lukautim bisnis.

Dispela bai lukim em isi tru tasol Miss Kassman i no tok klia long amas veliu bilong kago bai SVS givim taim kastoma peim K60,000. Em tok SVS bai go sanapim kontaina pulap long kago long wanem hap graun ol kastoma yet makim long en. Tasol dispela giraun tu mas gat taitol na sapos em kostomari graun, i mas gat tok orait pepa long lomuniti.

Miss Kassman tok moa long 2,000 aplikesen pepa ol I kisim pinis long olgeta hap long kantri na nau wok long en stap na bai statim bihain long ol I lonsim long tete. Em tok ol wokman bilong SVS bai go long planti senta bilong kantri long toksave na opim rot bilong ol iklik lain long kisim liasens na mekim bisnis.

Dispela Supa V Stoa program tu givim sans long ol sios, kampani na ol laik gat liklik bisnis stap pinis tu long kisim laisens na mekim bisnis.



## Westpac Kisim benk sevis go long Aroma kost

Ol lokel pipel long ples Kwapeupa Kelekapana long Aroma Kost long Sentrel Provins nau gat sans long mekim benking sevis wantaim Westpac In -Stoa Benking teminel we Westpac putim long las mun long WR & Famili Treding stoa.

Dispela In -Stoa Benking em ol opim long Me 28 2013. Dispela In-Stoa makim namba tri benk beis long Aroma na bai givim sevis i go long moa long 5,000 pipel na tu bai givim sevis long ol pipel stap klostu long ples Wairavanua, Vuru na Moapa.

Long dispela In -Stoa Benking ol kastoma bai mekim planti trensekse olsem kes deposit, wiro, fand trenspe, sekim benk stemenm na peim bills. Ol kastoma bai yusim EFTPOS masin long mekim ol dispela

trensekse long lokel mesen.

PNG Hetman man bilong Retel Benking, Adam Dowine tok, In Stoa Benking bai givim bikipela sevis long rurel pipel long Aroma kost bilong wanem benk nau stap long haus dua stret na dispela sevim mani na taim bilong ol pipel long noken go long taun o siti long mekim benking.

Mista Dowine tok Westpac InStoa Benking em bilong kisim sevis go stret long ples we ol pipel stap long en na dispela namba tri In- Stoa Benking long Araoma bai halivim planti manmeri long komunyuti long mekim benking long ples yet.

Mista Dowine tok Westpac putim 20 pela In-Stoa Benking raunlong kantri long halivim ol pipel long mekim benking long huas dua.

Westpac's Everywhere Banking Business Support Officer Tino Barry John givim Ura Walavu wantaim a pre-generated handy kad long ai bilong RW and Family Trading. Em namba wanmeri long Aroma kostlong kisim Handy kad



# GLASIM RAMU NICO PROJEK



*Wanpela Ramu NiCo, Wanpela Komuniti*

## Ol Ramu Projek LANCOS givim salens long menesim kampani gut

**O**L LENONA kampani long Ramu Projek long Madang provins i kisim salens nau long menesim ol ronim gut ol kampani bilong long helpim planti ol liklik manmeri long ples, na i no ol liklik lain tasol.

Deputi Jeneral Menesa bilong Komyuniti Afes Dipatmen bilong Ramu NiCo Menesmen (MCC) Limited i bin givim dispela salens long las mun insait long miting bilong memorandum ov agrimen (MOA) we i bin kamap long Jais Aben Risot long Madang.

Mista Kamyia i tok olsem long nau yet menesmen bilong ol lenona kampani i wok long lukim planti kain kain lain olsem ol klen memba na ol lida na tu wan wan lain husat i ting ol save long olgeta samting i save go insait long mekim nabaut.

Taim dispela i kamap turangu ol liklik manmeri long ples i save kisim hat taim na no save kisim gupela helpim i kam long lenona kampani.

Mista Kamyia i mekim toktok bilong em taim em i tokaut long sampela helpim o bisnis wok em Ramu NiCo (MCC) bai givim aut long ol lenona kampani long dispela yia.

Em i tokaut tu long sampela ol program Ramu NiCo bai givim aut long dispela yia olsem helt sapot i go long tupela eid pos, wanpela long Basamuk long Raikos distrik na na arapela long Usino long Usino-Bundi distrik we wok-bung bai kamap namel long Ramu NiCo wantaim Madang Provinsal Dipatmen bilong Helt.

Jeneral Menesa bilong Komyuniti Afes Dipatmen bilong Ramu NiCo, Martin Paining i givim toktok long sait long sapot bilong edukesen sabsidi em kampani bai givim aut long dispela yia long ol sumatin long ol ples na haus-lain long Projek impekt eria.

Narapela helpim Ramu NiCo bai givim em skul fi sabsidi long helpim ol sumatin we papamama bilong ol i stap long ol ples na haus-lain insait long Projek Impekt eria. Narapela helpim tu em long sait long intares-fri dinau mani em Ramu NiCo bai givim long helpim ol lain famas long impekt eria bilong Ramu Projek. Long toktok bilong agrikalsa intares fri-dinau mani helpim em CA agrikalsa supavaisa, Allan Wahwah i givim toktok.

Mista Kamyia i toktok tu olsem ol menesmen bilong ol lenona kampani i no save sanap strong



Jeneral Menesa bilong Komyuniti Afes Dipatmen, Martin Paining i givim toktok long edukesen sabsidi helpim Ramu NiCo bai givim



Ramu NiCo Komyuniti Afes deputi jeneral menesa Stotick Kamyia i givim toktok long MOA riviui miting long Madang.



CA Agrikalsa supavaisa Allan Wahwah givim toktok long agrikalsa interest-fri dinau.

tumas long ol disisen bilong ol na i save givim mani nating nating i go long ol grup, ol wan wan lain na ol klen grup na dispela ol mani ol i givim i o save go wantaim operesen bilong kampani.

Em i tok moa tu olsem sampela ol plen o rot i stap long kisim bek ol dispela mani ol lain i kisim na taim dispela i kamap em save givim hevi long kes-flo o mani kampani i save yusim long operesen bilong en.

Mista Kamyia i tok klis tu long sait long menesmen, gro bilong kampani na wanem samting ol lenona kampani i ken mekim long stap longpela taim na givim sevis. Narapela samting em i tokaut em ambrela kampani na ol klen kampani i save givim sampela hevi we ol stekholdas i luksave long en.

Em i tok olsem bikipela samting em ol sevises o helpim bilong ol lenona kampani i no go daun long

helpim ol liklik manmeri long ples behain long wanem ol wok em Ramu NiCo Menesmen (MCC) i givim long ol.

Mista Kamyia i tokaut tu long sampela ol nogut bisnis disisen em sampela ol lenona kampani i mekim long nabapim sampela sait sait bisnis nabaut na lusim planti mani nating.

Em i tok olsem bikipela samting em ol lenona kampani i mas

kontrolim ol operesen kos bilong ol sapos ol i laik lukim gutpela wok i kamap na tu ol i laik lukim gutpela win-moni o profit.

Mista Kamyia i tokaut olsem insait long Ramu Projek, i gat tupela lenona kampani husat i mekim gutpela wok tru long winim kontrak na mekim wok tru long kontrolim gut ol fainens bilong ol, tasol ol arapela i wok long slo tumas na i no ron gut tumas.



## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela Ramu NiCo, Wanpela Komyuniti'**

# Praim Minista O'Neill opim nupela Majestik Sifud Limited Tuna Pektori

**Frieda Sila Kana i raitim**

PRAIM Minista bilong Papua Niugini, Peter O'Neill i bin ges ov ona long opim nupela Majestik Sifud Kampani tuna pektori long Malahang, Lae, Morobe Provins long Mande 10 Jun, 2013.

Dispela Pektori em i kamap long bisnis patnasip bilong tripela kampani, Frabelle Fising Koporesen, Thai Union bilong kantri Tailand na Century Grup ov Kampani bilong kantri Filipins wantaim gutpela pasin wanbel bilong ol papa graun bilong Malahang na Morobe Provinsel Gavman.

Man i makim maus bilong tripela papa kampani bilong Majestik Sifud Limited, Mista Chan Han Seng, papa bilong Thai Yunien tuna kampani i tok dispela wok bilong i no bin isi. Ol i bin fesim planti salens long kamapim dispela pektori tasol ol i bin winim wantaim mani helpim i kam long olgeta tripela patna kampani na gutpela sapot Morobe Provinsel Gavman na Nesenel Gavman na gutpela tras na nau dispela pektori i kamap.

Em i tok dispela pektori bai nidim 30,000 metric ton long wan wan yia long kamapim olgeta tinpins ol i nidim long salim i go long Yurop maket.

Em i tok dispela pektori bai givim wok long 2,000 o moa manmeri long pektori na sampela 500 moa long ol arapela wok olsem Stividorin, ges haus, trenspot, mentenens na ol arapela moa we pektori bai nidim long sapotim wok bilong ol.

Em i tok tenkyu long bikpela helpim ol wok lain bilong Nesenel Fiseri Atoriti (NFA) i givim ol long taim stat bilong Majestik long kamapim maket wantaim Yuropien Yunien long salim tinpis bilong Majestik Sifud Limited long wol maket.

"Wok wantaim NFA i gutpela tru ol patna kampani i amamas long em bikos olgeta kantri husat i tred wantaim Yurop, ol i save peim 24% takis long salim ol samting bilong ol long ol kantri bilong EU tasol wantaim tred agrimen bilong PNG na EU, mipela i gat fri tred, nogat takis long peim long tuna mipela bai salim long Yurop kantri," Mista Sen i tok.

Praim Minista O'Neill i tok, "Mi harim olsem dispela prosek i kosim US\$30 milian na yupela i bin wokim dispela long 3-pela yia long taim bilong sainim stet agrimen long 8 Jun, 2010 i kam i nap nau."

"Nau mi laik tok kongresulesens na tenkyu long ol papa bilong dispela prosek, Frabelle Fising Koporesen, Sensuri Kening Koporesen na Thai Yunien long ol i kam putim mani bilong ol long PNG," Mista O'Neill i tok.

"Yupela i save olsem Papua

Niugini i papa long 18 pesen bilong olgeta tuna stok long wol na polisi bilong mipela em i bilong prosesim olgeta tuna bilong mipela long graun bilong mipela yet na ol pipel bilong mipela bai kisim olgeta gutpela samting i kamap long dispela," em i tok moa.

"Dispela prosek bai kamapim klostu 7,000 wok long tuna na pektori na 21,000 bai kamap long ol arapela wok we i helpim long kamapim tuna. Dispela em i bikpela namba bilong ol wok bai kamap na em bai stretim tru hevi bilong painim wok long Lae Siti," Mista O'Neill i tok.

Mista O'Neill i tok, taim pektori em i pinisim olgeta rere wok na trupela wok i stat, em bai kamapim inap long 350 metrik tons tuna long wanwan de igo insait long tin na rereim long salim i go long Yuropien Yunien maket.

Em i tok prosek bai kisim gutpela helpim long maket long laik long Yuropien Yunien maket aninit long interim ikononik Patnasip Agrimen mipela bin sainim wantaim Yuropien Yunien.

Dispela agrimen i larim ol tin tuna na tuna mit long mipela i ken salim i go long Yurop diuti fri na no nap peim Yurop diuti.

Ol arapela kantri olsem Filipins na Tailan i save baim bikpela fi taim ol i salim tuna bilong ol i go long Yurop.

Olsem na em i gutpela save long bisnis long kampani olsem Mejestik Sifud na Sensuri Grup bilong Filipins na Tailan long putim mani bilong ol na kampaim bisnis bilong tuna long PNG.

"Mi bilip tu olsem dispela bai helpim gavman long wokim kamap ol bikpela polisi bilong em taim mipela go het yet long singautim ol lain bilong arapela kantri long kam na putim mani bilong ol igo insait long ikononik bilong kamapim gut tuna indastri na bikpela moa long ikononik bilong Papua Niugini na ol pipel bilong em," Praim Minista i tok.

Long dispela taim tu em Ambasadado bilong Yuropien Yunien (EU), Mista Martin Dihm i stap na givim sampela toktok.

"Kain nem olsem majestik em i min bikpela tru, olsem na em i nidim bikpela tred agrimen we i gat bikpela mani na dispela kain invesmen em i no westim mani. Wantaim dispela em i tok, EU i donetim K120 milian i go long helpim ol ruel developmen long Papua Niugini," Mista Dihm i tok.

"Dispela Fri Tred Agrimen bilong Yuropien Yunien (EU) wantaim PNG i lukim planti lain long Esia na wol i laik kam long putim mani bilong ol long ol prosek na kampani long PNG. Mi tok kongresulesens long PNG gavman long kisim gutpela tingting na pinisim dis-



Sampela hap bilong Majestik Tuna Pektori haus.

pela agrimen na stat wantaim. Mi kongresuletim tu Frabel, Sensuri na Thai Yunien long winim ol tred stended bilong EU long salim ol tin pis i go long ol kantri long Yurop. Mi kongresuletim tu gavana bilong Morobe na provinsel gavman long opim dua bilong ol. Mipela EU bai stap trupela

patna yet long dispela invesmen," Mista Dihm i tok.

Gavana bilong Morobe Provins, Mista Kasiga Kelly Naru i bin stap na welkamim olgeta lain long graun bilong em. Ol arapela memba bilong palimen makim ol ilektoret bilong Morobe i bin stap em, Spika bilong Palimen na

Memba bilong Fischafen, Mista Theo Zurenuoc, Memba bilong Tewai Siasi na Minista bilong Fiseri, Mista Mao Zeming, Memba bilong Lae Open na Minista bilong Sios, Yut na Komyuniti Divilopmen, Loujaya Toni, na ol arapela Memba bilong Palimen, papa bilong Lae Bisket

kampani Se Henry Chow na meri bilong em, Lod Meia bilong Lae Siti, Menesing Dairekta bilong NFA, Siaman bilong NFA bod na ol memba na planti narapela bikpela lain. Ambasadado bilong Filipins long PNG Ekselensi, Bi-venenlido Tijono, tu i bin stap long dispela opening.



# Wantok

**Advertise your Business  
right here!!**

We deliver your message right to the remote areas of PNG where others don't go.

**Wantok Niuspepa** is your medium to communicate your business now.

**Niuspepa  
Bilong Yumi Ol PNG  
Stret!!**



Call the Advertising team on,

**Ph: 3252500 Fax: 3252579** or

Email: [wantok.com.pg](mailto:wantok.com.pg) or Website: [www.Wantokniuspepa.com](http://www.Wantokniuspepa.com)

# Pait bilong strong na save



**O**RAIT, dispela wik bai yumi lusim Muai Tai (Muay Thai) long Tailan (Thailand) na brukim solwara i go long Siapan (Japan).

Long hia bai yumi lukluk long stori bilong narapela kain stail bilong pait we i kamap wanpela bikpela pait resis long tete.

Siapan em i asples bilong masol at (martial art) stail ol i kolim Karate, tasol yumi bai no inap lukluk long Karate bilong wanem yumi toktok long en pinis long las yia.

Ating yu mas askim, "Na long wanem na yumi kam long Siapan?"

Noken wari, bai mi tokim yu nau.

Yumi kam long hia long lukim wanpela kain resis bilong pait we i kam aut long Karate.

Mi laik stori long en dispela wik bilong wanem las wiken tasol PNG Karate Federation (PNGKF) i holim namba 6 Open Karate taitol bilong ol long Mosbi we 19 klap i kam long 10-pela provins insait long kantri long resis long en.

Namel long ol tu em Stone's Taekwondo na Shaolin Kung Fu bilong NCD.

Dispela stail pait em ol i kolim Ful Kontek Kumite (Full Contact Kumite).

"Full Contact" i min olsem ol i no save werim wanpela karamap long han, lek na het bilong ol olsem long boksing na ol arapela pait resis, na "Kumite" em tok ples siapan we i min olsem "pait."

Olsem na Ful kontek kumite em i resis we ol paitman i save pait tasol i no save werim wanpela karamap long skin bilong ol, bun, skin na kolos bilong ol tasol i save pairap taim ol i mekim save i stap.

## Histri bilong gem

Ful kontek pait em i no nupela samting long Karate na planti arapela masol ats tasol long bipo, ol pait man i save pait inap wanpela i pundaun o i dai.

Long tete, ol i save bihainim ol loa bilong pait na poin i save go long man o meri husat i pait gut na strong.

Wanwan Karate stail i save gat liklik senis long wanwan loa bilong ol long pait tasol astingting bilong olgeta em i wankain tasol.

Wanpela Karate stail we i save holim strong tru pasin bilong ful kontek pait em Kyokushin Karate we olgeta sumatin bilong ol i save trening na skul gut tru long en.

Ful kontek Karate i stat long Siapan na bihain long Amerika we em i go bikpela tru.

Hap han bilong ful kontek tu i bin go na kamapim kikkoksing long 1980's.

## Loa na stail bilong pait

Bipo long yu stap insait long wanpela ful kontek pait, yu mas trening gut long strong bodi na tingting bilong yu.

Yu mas lainim gut pait stail bilong yu bilong wanem ol bai givim poin tu long gutpela stail pait bilong yu.

Ol jas i laik lukim gut pait bilong yu bai ol i ken givim point aim han o lek bilong yu i pas gut long bodi bilong birua bilong yu.

Insait long ful kontek, yu ken werim tupela karamap tasol, wanpela em long maus o tit bilong yu na narapela em namel long tupela sangana bilong yu.

Taim yu pait, han bilong yu i noken pait het o pes bilong birua bilong yu tasol yu ken kisim het bilong em wantaim lek bilong yu.

Yu noken paitim em taim em i givim baksait long yu o taim em i pundaun na silip long graun.

Sampela ful kontek loa i tok orait long yu kikim insait na autsait wantaim bilong sangana na sampela i tok orait long yu kikim autsait bilong sangana tasol.

Long wankain taim, planti tok orait long yu givim skru long birua bilong yu na sampela i save tambu long dispela.

Sampela ful kontek karate i save kamap insait long ring olsem long boksing na kikkoksing tasol planti save kamap long wanpela spes long plua (floor) we ol sapota na ol jas i save sindaun raunim na lukluk.

Em i wanpela stail pait we planti ol sinia paitman na meri tasol i save resis long en bilong wanem ol junia pait manmeri ken kisim bikpela bagarap long en sapos ol i no save gut.

Astingting bilong ful kontek em bilong lukim save na strong bilong ol paitman na meri insait long wanwan masol at bilong ol na i save soim wankain respek long olgeta.

## Ful Kontek long PNG

Ful kontek pait i no nupela long PNG, planti ol paitman na meri bilong yumi stap insait long dispela resis pinis na i soim bikpela laik tu long ol sapota bilong masol ats.

Las wik, PNGKF i holim namba 6 open taitol bilong ol we i lukim ol pait man meri bilong olgeta hap long kantri kam bung long Mosbi long dispela resis.

Mi bin go long dispela tonamen na mi lukim sampela gutpela ful kontek pait i kamap.

Em i gutpela sans bilong ol paitman tu long traim save bilong ol long wanem rot ol bai yusim long tromoi ol han na lek bilong ol taim ol i stap insait long wanpela pait.

Tingting bilong ol bai op na skulim ol long wok hariap na tu lainim bodi bilong ol long save long pen bilong pait em i olsem wanem.

Sampela ol pait man bilong PNG husat i kam aut long ful kontek karate em Walter Schnaubelt, Bernard Soari, Paul Pautani (husat i dai pinis), Gabbie Yura, Nelson na Andrew Stone na planti ol arapela.

Em i wanpela spot we i save pulim planti manmeri na tu i save bungim gut ol masol ats paitman meri wantaim.

Insait long ring ol i save pait olsem birau tasol bihain long pait, ol i save bung na luk-save long ol yet.

Em i save skulim ol tu long pasin bilong lukautim belhat na kros bilong ol na tu pasin bilong harim tok.

Ol samting ol i lainim tu i save strongim bodi na tingting bilong ol na i save helpim ol tu long laip.

I no yumi olgeta i ken pait long ful kontek karate tasol em i gutpela long yumi ken lainim o traim wanpela hap tok i kam long ol we i ken hlpim long lukautim yumi tu.



**MEKIM SAVE:** Tupela junia paitman i pait insait long Juia ful kontek pait resis bilong Kyokushin long Mosbi long 2008.



**STRONGPLA:** Wanpela paitman i traim long pasim kik bilong narapela long Junia ful kontek pait resis bilong Kyokushin Karate long Mosbi long 2008.



**LUKAUT:** Long poin kumite olsem long dispela piksa, ol paitman i save werim karamap long han na lek bilong ol na i no save tromoi han na kik strong tumas olsem long ful kontek. POTO: PNG Karate Federation



**TROMOI LEK:** Tupela paitman i mekim save long wanpela intanesenel gem.

# Oi Spot Eksen poto long wiken...

Oi Poto Nicky Bernard.



**TRAIM STRONG:** Lok fowod bilong Vipers Sabastin, i brukim tupela fowod bilong Lions long pilai bilong long Pot Mosbi. Vipers win 48-12



Soka eksen long Bisini long wiken.



**NAIS HIT:** Beta bilong Brain Bell i paitim wan-pela gutpela bal long pilai bilong kriket long wiken.



**HAU IS IT:** Bek stopa bilong BSP i kesim bal taim beta bilong Brain Bell i misim.

## - Weekend Sports Draws -

### Digicel Cup Round 10

Home	Away	Venue
SUNDAY, 16 JUNE		
Gulf Isapea	vs. Bintangor Lahanis	Port Moresby
Wamp Nga Eagles	vs. Snax Tigers	Mt Hagen
Hela Wigmen	vs. SNS Vipers	Mendi
TNA Lions	vs. Enga Mioks	Kundiawa
Mendi Muruks	vs. Agmark Gurias	Lae

#### RESULTS

Pom Vipers 48  
 Simbu Lions 12,  
 Mendi Muruks 26  
 Gulf Isapea 10,  
 Enga Mioks 20  
 Rabaul Gurias 6,  
 Lae Tigers 10 Hela  
 Wigmen 10, Mt  
 Hagen Eagles 26  
 Goroka Lahanis 18

#### LADDER

	P	W	D	L	F	A	Pts
<b>Mioks</b>	9	6	0	3	234	93	12
<b>Gurias</b>	9	6	0	3	244	141	12
<b>Vipers</b>	9	6	0	3	218	136	12
<b>Tigers</b>	9	5	2	1	162	100	12
<b>Lahanis</b>	9	6	0	3	159	152	12
<b>Eagles</b>	9	3	1	4	152	207	7
<b>Wigmen</b>	9	2	2	5	120	144	6
<b>Isapea</b>	9	3	0	6	144	214	6
<b>Muruks</b>	9	1	3	5	100	156	5
<b>Lions</b>	9	2	0	7	121	280	4

**TOKSAVE:** Salim ol spots dro bilong yu kam long Feks; 325 2579, e-mel; [bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.

# Tamou mekimsave sek-sekim Blues wok redi

WOK redi bilong Nu Saut Wels Blues bilong Stet ov Orijin 2 nau i paul liklik bi-hainim saspensen bilong prop James Tamou.

Long Trinde dispela wik, ol i rausim Tamou long tupela raun pilai long Brisben long tupela wik, na St George Illawarra long Fraide, bihain long ol i sasim em long dring bia na draivim kar.

Tamou bai no inap misim Orijin 2 tasol, we Blues i gat sans long winim namba wan

orijin siris win bihain long laspela taim long 2005, tasol \$30,000 mets pemen i go wantaim mekimsave, em wnapela \$20,000 fain.

Blus Kosa Laurie Daley i bin kirap nogut long em i nogat fran rowa, na nau i brukim het long wanpela bilong senisim em.

Bipo Blues strongman Willie Mason i gat sans, na Daley i tok olsem em bai mas sekim fitness bilong Penrith Prop, Tim Grant,

husat i no bin kisim fil las wik taim ol i go daun long Wests Tigers.

Ol yangpela, Aaron Woods (Wests Tigers), na Aiden Tolman (Canterbury), i gat sans tu.

Fulbek Jarryd Hayne i luk olsem em bai winim wanpela birua long lek, na Robbie Farah tu i karim hevi long bun long wasket bilong en.

Daley tok em i kirap nogut long tupela gem mekimsave bilong Tamou, na tok olsem

em i no ting Tamou bai pulim bikpela mekimsave olsem.

Polis i bin arestim Tamou, 24, long Mande moning long Townsville, bihain long ol i holim em foapela taim pinis, we em i abrusim mak bilong bia na draivim kar.

Ol i sasim em long nogat laisens na draiv, na spak na draiv, na em bai sanap long Townsville Magistret Kot long Julai 2.

Tamou bai no inap salensim dispela ol sas.

## Ol Kwinslen selekta orait long yusim sem tim



KWINSLEN: Gat bilip

KWINSLEN Maroons bai pilaim ol sem pilaia bilong ol long Stet ov Orijin namba wan gem, na i luk olsem Josh Papalii bai nogat sans long mekim nem.

Maroons siaman bilong ol selekta, Des Morris, i tok pek bilong Kwinslen i bin sek-sekim gut NSW long Sidni, na dispela bai givim ol sans long kisim bek nem bilong ol long Brisben long Jun 26.

Tasol Morris i no bilip olsem dispela bai skwerim Gallen, husat i bin halivim Blues long winim namba wan gem, taim em i smesim Maroons fowet, Nate Myles.

Tasol em i tok Kwinslen bai no inap bisi long bekim bek. Ol bai tingting long win tasol.

## Panthers sainim bek ol hitman, Plum na Docker

NEM bilong Penrith olsem strongpela difensiv unit, bai go het long klostu tupela moa yia i kam bihain long ol i sainim gen ol hitman bilong ol, Nigel Plum na Adam Docker long Trinde.

Plum, em i mekim nem pinis olsem namba wan strongpela takol man long NRL, tasol Docker i wok long kamap wanpela biknem long dispela wok tu. Tupela wantaim i winim ol dil long pasim ol wantaim Panthers inap long pinis bilong 2015 sisen.

Strongpela kombinesen bilong tupela long difens, i stap long as bilong Panthers i winim tripela gem nau na suvim het long top 8.

Strongpela winga, David Simmons i tok Plum na Docker em tupela top difenda long kompetisen, na em i ting ol i ken daunim fran

lain bilong Canberra.

Ol Raiders i gat Test prop David Shillington, bipo NSW repman Brett White, na ol strongpela man Josh Papalii na Shaun Fensom, tasol Simmons i bilip ol hitman bilong Panthers bai inap.



PLUM - gat nem olsem strongpela difenda

## Lee: hanbruk na pilai yet

CANBERRA yangpela Edrick Lee i kisim luksave long strong bilong en taim em i brukim han bilong em long Mande nait gem agensim Brisbane, na em i pilai yet.

Ol bikpela wari bilong Canberra bin kamap tru long Trinde, taim ol eksrei long rait han bilong en i soim klia olsem han bilong en i bruk.


Dispela bai sindaunim em long tripela mun olgeta.

Lee, husat i skorim sevenpela trai long tenpela gem em i pilai dispela yia, i bungim birua taim i gat 15 minit i stap yet long seken hap taim ol i winim Brisben, 30-18.

Ol tim-met bilong em i no save long birua em i karim.




LEE - hanbruk bilong en bai lukim em i no pilai 12-pela wik.




# SPOTS DRO RAUN 14



Fraide: Jun 14, 2013




**WIN Stadium**  
Dragons V<sup>s</sup> Cowboys




**Brookvale Oval**  
S/Eagles V<sup>s</sup> Bulldogs



Sarare: Jun 15, 2013




**Canberra Stadium**  
Raiders V<sup>s</sup> Panthers




**Toyota Stadium**  
Sharks V<sup>s</sup> Eels



Sande: Jun 16, 2013




**Cairns Stadium**  
Rabbitohs V<sup>s</sup> Titans




**AAMI Park**  
Storm V<sup>s</sup> Knights








**Allianz Stadium**  
Roosters V<sup>s</sup> Warriors



**Suncorp Stadium**  
Broncos V<sup>s</sup> W/Tigers

### Raun 13 Poin Leda

Pos	Tim	W	B	L	D	Pts
1.	Rabbitohs	10	1	2		22
2.	Storm	9	1	2	1	21
3.	Roosters	9	1	3	0	20
4.	Sea Eagles	7	2	3	1	17
5.	Titans	7	1	5		16
6.	Sharks	6	1	6		14
7.	Bulldogs	7	0	6		14
8.	Raiders	6	1	6		14
9.	Knights	6	0	7		12
10.	Panthers	6	1	7		12
11.	Broncos	5	0	8		10
12.	Dragons	5	0	9		10
13.	Warriors	5	0	9		10
14.	W/Tigers	5	0	9		10
15.	Cowboys	4	1	9		8
16.	Eels	3	1	9		8



**FRIDAY 14 JUNE**



**7:45PM**  
BROOKVALE OVAL

**SATURDAY 15 JUNE**



**7.30PM**  
SHARKS STADIUM,

**SUNDAY 16 JUNE**



**2.00PM**  
BARLOW PARK, CAIRNS

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMOOIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATOFA 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMAMAL 100.6	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONGETTA 100.5	TELEFOMIN 100.3	WEWAK 100.8



## Meri Dulux Migic winim taitol

DULUX Magic tim bilong ol meri kriket i mekim narapela win gen long wiken taim ol winim Pure Water Diamond long foa pela wicket stap.

Dispela i mekim ol Dulux nau i nogat lus bilong ol long pilai bilong ol meri kriket long Pot Mosbi, na dispela i

mekim ol tu i stap klia long poin leda.

Diamond i winim tos long bet pastaim na ol makim Kopi Kwara long opim bet bilong ol long wanem em save paitim gut bal na tu em gat spit long ron.

Pure Water Diamond i no

paitim gut ol bal bilong ol taim ol narapela kam aut long bet, planti bilong ol meri i wok long ran aut na dispela mekim skoa bilong i stap long 125 na olgeta aut.

Dulux Magic i kam aut long bet na ol i no westim taim, ol bet bilong ol i stat long painim

bal bilong ol bola bilong Diamonds.

Brenda Tau na Lilly Ofae bilong Magic i mekim gut long mekim tim bilong i kam bihain long winim Diamond, dispela win bilong ol nau i mekim Dulux Magic i stap klia long poin tebol.

## Steamship Inta Netbol kamap

STEAMSHIP Inta Netbol kompetisen bai kamap long dispela wiken long Bisini Netbol kot, dispela resis em em bilong ol wok manmeri bilong Steamship na ol famili bilong ol.

Dispela Netbol resis bai kamap long wanpela de tasol na fainol bilong ol bai kamap long aviun long wankain de tasol.

Moa long tenpela tim bilong ol liklik seksen long Steamship bai resis long dispela kompetisen na wina bai kisim kap i go long opis bilong ol long dispela yia.

Olgeta yia Steamship save mekim ol liklik spot kompetisen long amamasim ol wok manmeri bilong em wantaim ol famili bilong ol.

## Pot Mosbi Basketbol kik ov

SISEN Tu bilong ol man basketbol kik ov long las wik Fonde we Minista bilong Yut na Komyuniti Developmen Loujaya Toni bin stap long opim dispela kompetisen.

Minista Toni kisim ples bilong Spot Minista na Gavana bilong NCD Powes Parkop long opim dispela pilai long wanem tupela i gat komitmen long sampela wok.

Minista Toni i tokim ol manmeri husat i stap long dispela kik ov bilong basketbol olsem disaplun na respek mass tap

long ples bilong pilai na autsait long ples bilong pilai.

"Mi kisim ples bilong Spot Minista na Gavana bilong NCD tasol mi em lukaut olgeta yut olsem Minista bilong yupela, na dispela basketbol pilai em planti yut i stap insait na em i no rong taim mi kam kik ovim dispela basketbol pilai," Minista Toni i tok.

Taim em opim na kik ov long pilai em sindaun na lukim namba wan pilai i go inap pilai pinis long Fonde nait long Indoor Stadium long Pot Mosbi.



## PNG long distens ron nogat inap luksave

OL KAIN nem olsem Gari Vagi, John Kokinai, Tau John, em ol biknem long distens rana bilong yumi husat i karim nem bilong kantri long ol bikpela intanesenel resis.

Tasol i no longpela taim i go pinis, na i kam, i nogat kain ol rana olsem gen, na dispela ol gep, em i hat long inapim. Maski i gat wanpela o tupela rana i kamap, tasol ol i no kamap long mak bilong ol biknem bilong bipo.

Hevi i stap we? Husat i asua? Ol dispela askim na planti arapela i stap long ol hiden talen i stap long kantri. Kantri bilong yumi gat bikpela strong long ran i stap.

PNG Atletiks Yunion i gat planti askim long watpo ol i no luksave long dispela grup ol manmeri husat i ken winim moa medal long namba yumi gat nau. Mi save olsem PNGAU i givim bikpela luksave long ol midel na sprin na tanim ai long long distens na ol fil pilai. Mi no save, tasol mi bilip olsem planti manmeri bai wanbel wantaim mi long dispela tingting.

Lukluk moa long ol bikpela eria long kantri we mipela i ken painim ol dispela rana. Em i no wanpela samting. Wantaim kain maunten ples i stap olsem long Simbu provins, Goilala long Sentral, na Milen Be na Saut Bogenvil, mipela i lukim pinis ol rana i kam long ol dispela ples i mekim nem.

Long nau, i gat wanpela man husat i mekim we bilong en na kamapim ol gutpela long distens ron olsem Garia Igito long 1991, Waia Meti long 1995-1996, Sapolai Yao, na Merolyn Auga long 1997-1999, Skene Kiage long 2003. Em i Earnold Gigmai, husat em i wanpela hai skul tisa long Simbu.

Mi laik tokim yupela olsem yumi mas sapatim ol kain man olsem husat i wok hat long kamapim ol top etlit long kantri bilong yumi.

PNGAU nau i mas strongim ol kain lain olsem Arnold long strongim spot bilong ran. I gat tupela eria i no kisim inap luksave, em long long distens raning, na ol fil ivens.

Ating bai gutpela sapos PNGAU i ken lukluk gen long ol.

Dispela Simbu man nau i go bek gen long ples na i gat gutpela plen tru long long distens na ol rot resis dispela yia. Em i wok bildim ol rana bilong 2015 Gems i stap.

i kam long bek pes

## 5-pela stap long top 5

TNA Lions bai lukautim pilai bilong ol wantaim ol Mioks long Kundiawa, Lions bin lus long Vipers na dispela bel kros i stap long kisim poin olsem na dispela pilai bai wanpela strongpela pilai stret. Spet bilong pilai bai winim gem bilong tupela.

Snax Tigers bai kisim haiwei go antap long Mt Hagen long bungim Eagles, Tigers i lusim sampela pilai man bilong ol na dispela bai isi long Hagen Eagles bai traim long kisim poin long ol.

Lahanis bai kam daun long Pot Mosbi long bungim Isapea, dispela pilai bai lukim tupela kosa bai stretim lain ap bilong ol. Kosa bilong Isapea i save gut long ron bilong ol Lahanis na em bai tok ol bois bilong em long putim was long sampela hap insait long pilai graun.

Dispela 5-pela tim bai skelim dispela wiken, husat i win na kisim moa poin bai go pas long leda bilong Digicel kap long 2013.



Lions apim Vipers



**DIANA Blu**  
**TUNA IN OIL**

NEW IMPROVED!  
 TUNA IN OIL  
 Net Wt. 425g

*Moa oil na meat insait*



**HOLIM NA HOLIM GUT:** Ful bek bilong Vipers Josaiyah Abavu i traिम wel namel long tupela pilaia bilong Lions taim senta bilong em Richard Kambo i putim was long em. Vipers i win 48-12 long mekim ol go antap long leda. *Poto Nicky Bernard.*

## 5-pela stap long top 5

Nicky Bernard i raitim

STOP N Shop Vipers i mekim kam bek bilong em taim ol winim Lions long Pot Mosbi long wiken go pinis. Dispela win bilong nau i mekim ol serim poin wantaim 5-pela tim, Mioks, Gurias, Vipers, Tigers na Lahanis long namba wan ples wantaim 12 poin.

Mioks i go pas long pesentis long poin leda taim ol winim pilai bilong long hom graun bilong wantaim ol Rabaul Gurias 20-6.

Gurias na Lahanis i lusim pilai bilong ol na dispela holim ol yet long 12-poin, Tigers i dro long pilai bilong wantaim Hela Wigmen na dispela wanpela poin bilong i mekim ol go long 12-poin. Vipers na Mioks i winim pilai bilong na bringim ol go long 12-poin.

Dispela 5-pela tim bai strong pilai bilong ol long dispela wiken taim ol pilaim gem bilong long raun 10 bilong Digicel kap resis.

Vipers bai go long Mendi long bungim Hela Wigmen, na dispela pilai Vipers mas mekim olgeta samting long winim gem bilong ol long stap antap yet long Leda, tasol Wigmen bai traिम long bagarap win bilong Vipers long wanem ol kisim liklik strong pinis taim ol dro wantaim Tigers na dispela bai ol traिम long holim Vipers tu.

Guria bai pilai wantaim Mendi Muruks long Lae, dispela pilai bai lukim Muruks bai soim strong long kisim poin long Guria. Long namba wan pilai bilong tupela long Rabaul Guria bin winim dispela pilai olsem Gren failol riplei.

*Moa long Pes 27.*



**Valvoline**  
**PMV**  
 DIESEL OIL

**PMV OIL BILONG YUMI**

**BOROKO MOTORS**

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg  
 Website: www.boroko-motors.com